

四明談助目錄

第十五本 西護脈 西副脈

卷三十四

西護脈 附西四明護脈古跡提綱

廣德湖 述 乾道圖經 附新按錄 曾南豐廣德湖記 王伯厚

七觀 水利興廢諸說 句餘土音詩 萬季野竹枝詞

白鶴山 述 成化志 十三洞橋董氏 附新按并近代科名

望春山 述 延祐志 蓬萊觀 述 聞志

桃源王氏居 錄 縣令該大府正已傳 并句餘土音古跡詩

萬季野竹枝詞

白鶴山神驅虎患 錄 李志 豐惠廟 述 聞志 并竹枝詞

四明談助

卷三十四

目一

華胡 述 萬季野竹枝詞 錄 華太守愛 胡處士一桂 連子傳

傳 附 處士里中詩二首

十字港 述 敬止錄 葉處士小築 錄 處士太叔傳 附 詩五首

國寧寺 述 聞志 附 新按

崇德祠 述 聞志 錄 陳副使槐傳 張東沙廟碑記 全謝山

第二記 又 至孝良言 高士鏌 裕齋士良 孔塘昌泗

明經獻球諸傳 附 明經詩四首 并同族科名

楊儒士廟 錄 儒士欽傳 萬季野竹枝詞

賣麪橋王氏 錄 知縣睽傳 湖堤故跡 附錄 朱氏思訓堂記

望春橋 錄 萬季野竹枝詞三首 浮石 述 聞志

浮石薛氏 述 族望表 附 新按 錄 知府朋龜傳 并 詩一首

新莊周氏附新按述族望表錄三瑞堂記列工部薇 贈尚

書萃 運使保 冢宰應賓 同知應浙 文學應辰

副使應治 知州天覺并逸事 光祿元孚 太僕昌晉

并傳後論 知縣昌會 文學元越 刑部元登 監軍

昌皆 栖烟元初 知府元懋并枝隱軒記 貞靖齊曾

并逸事附囊雲遺集序雲樹記雲樹歌句餘土音詩又公

子嗣昇 公子致泰 布衣章泰 文學章庭 殉難知

縣志畏 布衣志嘉 隱君志文諸傳附揚州幕客應廷

吉事 癸未館選諸臣附逆事又卽墨令斯盛傳

白雲莊匿囚錄鷓鴣先生神道表 句餘土音詩附杲堂寄

黃晦木書

四明談助 卷五

證人書院錄鮎埼亭集記 黃侍御宗羲傳 杲堂文鈔贊

管村萬氏別業附新按錄萬季野詩四首 萬西郭詩四首

鄭山書院述聞志附新按節劉德元書院記

史府花園述寶慶志圖附新按

卷三十五

西副脉附西四明錫山脉古跡提綱

樟村太白山附新按採翠山寺志聞志

樟村附記村中風景 竹林菴述聞志錄林樾詩

寶積寺述聞志敬止錄錄周四休重興寶積寺記

韓千戶死難錄聞志千戶韓綱禦倭寇事

蜜巖附記隔溪景象 大魯嶺附記束瓜起錫山象

錫山述 寶慶志聞志四明山志敬止錄附 新按

八囊山述 四明山志附 新按 蘆樓坑述 四明山志附 新按

鯨魚山附 新按 松巖寺述 聞志附 記興後驟敗象

朱湯梅畧長嶺方附 新按 石門潭蓮花潭述 四明山志

天象巖附 記岑蔚景象 人頭山附 記山脉關鎖

西石山冷水菴附 新按錄 萬季野竹枝詞 中潭附 新按

許家橋附 新按 徐氏宗祠附 新按錄 文學志泰傳

建輿山述 四明山志錄 王荆公詩萬季野竹枝詞并 童女傳

寶巖寺述 四明山志 石潭附 新按

鳳山述 四明山志 寶巖梅錄 王荆公李原上戴菴翁詩

梅園山述 四明山志 九灣附 新按 錫山水至祖關等橋

四明談助 卷五

述 敬止錄

黃公林述 聞志敬止錄錄 楊栖雲詩萬季野竹枝詞

朱都憲第述 聞志并 族望表錄 御史瑄傳

桃源戴氏述 族望表列 知府浩 教諭檟 知府鰲 參議

鯨 都堂鰲 工部鰲諸傳記 會川莊產芝事又錄 隱君

經世 工部仲明 錦衣爾惠傳并 句餘土音錦衣却聘

詩 鮎埼亭集畫像記并 寒香道人傳及 傳後論 甬上

諸和尚詩引

又戴氏錄 譙國老人安仲 野橋先生圭傳

布金寺述 延祐志 桂林俞宅述 聞志附 新按并 近代科名

槎湖張氏述 族望表附 新按錄 張東沙族譜例 全謝山張

氏族譜跋 列 處士仲延 并 先世逸事 處士曦 啞老人

贈公懋 贈公怵 長史懋賢 贈公時敏 知縣時孜

大司馬時徹傳 并著述書目 太保邦奇傳 并逸事書目 附

杲堂選甬上九先生詩序 又知縣邦仁 少卿邦伊 光

祿子瑄 知府子中 解元應完 監軍尚燮 都督立

中 文學機 知縣瑤芝諸傳 附續耆舊集詩話 槎湖

書院記 萬季野竹枝詞

林塘菴 述 聞志 像鑑橋徐氏 採 徐氏家乘 附 文學畹小傳

又錄 李家橋徐氏好行善事

看經寺 述 聞志 附新按 錄 倪味易盧月漁詩

大禹王廟 述 聞志 附新按 錄 萬季野竹枝詞

四明談助 卷五 目四

張氏西郊艸堂 附新按 錄 范延平光陽詩

歸津菴 述 聞志 敬止錄 圓明菴 小桃源俱 述 敬止錄

卷三十六

錫山脈分支 附錄 錫山支派脈古跡提綱

錫山水自建畧出櫟社等橋 述 敬止錄 岳宮漕 附新按

湖後山聞氏 附新按 錄 判官實 長者子德子聰 隱君時

政 徵君德初 贈尚書璋 贈職方元奎諸傳

槁檀廟 述 聞志 千丈鏡 附新按

鏡川楊氏 述 族望表 採 楊氏宗派譜 錄 再十一君 處士起

汶 栖芸範 梅讀自懲 太宗伯守陳傳 并著述書目

銀豆謠詩 對鷗閣記 太孺人壽誕記 及 楊氏逸事雜

記又錄少司寇茂元 按察茂仁 知府美璜 按察德

政 公子秉惺 布政守隅 副使承閔 處士家讓諸

傳并同族科名錄 萬季野竹枝詞 楊氏遷城諸傳見

城居第

厲家山附新按并記厲半州事 厚倉王氏採王氏族譜

馮灣古井述聞志錄 胡庚詩 雅渡橋舒氏採鮎埼亭集語

附新按

眠狗山附新按 三層樓述 敬止錄錫山脉第一重止于是

芝山述聞志附新按 鬼叫畷附新按 此下錫山支派第二

重

虞家窟錄 孝子瓘傳 天花里錄 虞陸虞玖傳

四明談助

卷五

目五

石臼山僊隱山述四明山志附新按 玉堂洞錄 楊文懿記

葛仙翁祠錄 萬季野竹枝詞并註

碧溪魏氏述 族望表錄 鮎埼亭集碧溪菴記 魏僕射杞傳

袁絜齋山房集序 句餘土音詩并魏丞相逸事

張雪窻隱居述聞志錄 雪窻良臣傳并記安通村昭祖事

仲夏橋述曹志聞志 碧溪亭井述聞志附新按

仲夏堰述聞志錄 王伯厚七觀採鮎埼亭集語

張大中樗寮記 張學士卽之別業錄 句餘土音詩

力施廟述聞志 仲夏李錄 萬季野竹枝詞 句餘土音詩

黃枳滙附記 芝山脉關鎖 桃浦橋 桃浦菴述 敬止錄

鳳山 鳧山附錄 錫山脉第三重支派 莊家山附新按

葛家灣葛氏附新按 洞橋樓氏附明代科名 并近事

蕪湖吳氏述 族望表錄 布政福處士江知府桓處士浩諸傳

吳家斗鳧園附新按 採五岳軒朱氏譜錄 忍辱道人詩序附

謝山書鳧園集後

戚浦王氏錄 不了和尚傳 洞仙橋錄 楊文懿公詩并序

新風棚廟述 錢志 小江湖錄 王伯厚七觀楊鏡川詩

平楚亭述 嘉靖志附新按 記建畧它山二水交會

鳳山附記 錫山邊際枝脚 碧溪吳氏記 吳庭產芝錄 少宰

秉信傳

小溪港述 聞志採 鮎埼亭集文錄 魏泉使峴安秘丞劉二傳

白嶠山人滅怪錄 嘉靖志 趙參政第述 敬止錄 鄞獻表

四明談助

卷三

目六

梅溪灘述 聞志 陸氏故居錄 判官寘提刑洸傳并科名錄

天王寺述 敬止錄 聞志

大音菴 在澗樓附新按 并太僕之垣傳

小溪錄 樓攻媿詩二首 柴漁山詩三首

四明談助卷三十四

鹹塘滙齋課餘錄

西四明正脉進府城結府治者已詳于上茲詳白鶴望春二山乃西山脉之分支爲西正脈護沙其水上承武陵桃源合下寮之靈泉一入湖泊繞白鶴山後抵西塘河歷高橋東行達郡城一出林村大溪注十字港歷望春橋亦抵西塘河東行達郡城其上有廣德湖白鶴山白鶴廟白鶴諸公祠十三洞橋董氏望春山蓬萊觀靈波廟望春王氏居豐惠廟華胡十字港葉氏小築國寧寺崇德祠半湖陳氏楊儒士廟朱氏別墅望春橋等蹟其自望春橋西南十字港分出者爲錫山脈護沙自九灣來水抵管家岸轉北由大卿橋達郡城其上有浮石薛氏周氏管村白雲莊證人書院鄞山書院史府花園等蹟脩錄于後再東卽西郭已見上卷

四明談助

卷三十四

廣德湖

廣德湖舊名鷺脰湖唐大歷八年縣令儲仙舟加修治之更以今名貞元元年刺史任侗又治而大之湖中有若樓閣狀者不常隱見也宋建隆間康憲錢公億爲守之初欲展拓波瀾乃託情篇什累達宸聽而復奏乞于諸縣農隙集鄉夫萬人爲十隊以官吏分董開鑿之役當時嘗給米九千石錢五十萬億復出金千緡以相其費周廻凡萬有二千八百七十一丈又大中祥符年蘓耆爲守以湖壞漏又補復而浚之湖之興已數百年而民之請爲田危于廢者屢矣至政和七年知州事樓昇奏請奉御筆開墾爲田令歲收其米以給甬東

所屯之水軍焉

乾道圖經

大雷諸山從西來至林邨水北起嶺石峯延爲西山向北至五嶺復向東落洋其勢陡然一折滙爲大湖望春白鶴諸山俱在湖中

宋曾南豐廣德湖記畧

鄞縣張侯圖其縣之廣德湖而以書并古刻石之文遺予曰願有記蓋湖之大五十里而在鄞之西十二里其源出於四明山而引其北爲漕渠泄其東北入江凡鄞之鄉十有四其東七鄉之田錢湖溉之其西七鄉之田水注之者則此湖也舟之通越者皆繇此湖大中元年民或上書請廢湖爲田任事者左右之爲出御史李後素驗視後素不爲撓民以得罪

四明談助

卷五

而湖卒不廢刺史李敬方與後素皆賦詩刻石以見其事其說以爲當是時湖成三百年矣則湖之興其在齊梁之際歟宋興淳化二年民始與州縣疆吏盜湖爲田久不能正至道元年知州事邱崇元躬按視之而湖始復咸平中賜官吏職田取湖之西山足之地百頃爲之旣而務益取湖以自廣天禧三年知州事李夷庚始正湖界起隄十有八里以限之湖之濱有地曰林村砂末曰高橋臘臺而其中有山曰白鶴曰望春自太平興國以來民冒取之夷庚又命禁絕而湖始復至張侯之爲鄞則湖久不治西七鄉之農以旱告張侯爲出營度民田湖旁者皆喜願致其力張侯計工賦財擇民之爲人信服有智計者使督役而自主之一不以屬吏人以不擾

而咸勸趨鄞人累土陘水闕其間而扃以木視水之大小而閉縱之謂之碶于是又爲之益舊總爲碶九爲埭二十隄之上植榆柳益舊總爲三萬一百丈又因其餘材爲二亭于隄上以休行人而與望春白鶴相直因其山名之山之上爲廟一以祠神之主此湖者一以祠吏之有功此湖者以熙寧元年十一月始役而以明年二月卒事旣成而田不病旱舟不病涸水產之良皆復其舊而其餘及于比縣旁州張侯于是可謂有勞矣是年予通判越州事越之南湖久廢不治蓋出于吏之因循而至于不知所以爲力予方患之觀廣德之興以數百年危于廢者數矣由屢有人故以治蓋大歷之間漑田四百頃大中八百頃而今二千頃矣則人之存亡政之

廢舉爲民之幸不幸豈其細也歟故爲之書尚俛來者知永爲此邦之利而又將與越之人圖其廢也張侯名岫字子堅以才聞去而爲提舉常平廣惠倉兼管勾農田差役水利事方且用于時云

王伯厚七觀云湖有廣德實在西界刺史曰侗增修勿壞夷庚起隄岫也建埭誰其填闕利微害大發議請復志不克遂舒亶水利記王庭秀水利記王正己廢湖辨載寶慶志亦見敬止錄李光謀復湖奏載敬止錄正己樓异之壻故辨湖之宜廢光係寶文閣待制新知湖州奏請復會稽之鑑湖鄞之廣德湖蕭山之湘湖卒不能復元學士袁桷斷云湖已變爲田必不可復爲湖已事不必論若它山仲夏堰

之水歲浚渠而深蓄之其庶幾乎文載成化志
勾餘土音鷺湖故蹟

靈波蜃市

題見嬾堂詩蓋鷺湖故有白龍居之也

秦皇欲達蓬迢迢不可至三山金銀宮時就亦時避洸洸王

將軍赫怒鞭地肺遂駟瀛海龍分向湖山憩

四方山市最多見龍蛟所吐氣

鷺湖清湛湛尤爲龍所契忽然白晝中蜃樓驚老稚城闕插

九天人馬絕九地杠梁渺飛棧花艸成懸帶望春與白鶴雙

峯增詭麗俄而風雲消依舊清莫蔽是誰填深谷而博桑田

利蜃樓從此辭遽向瀛海戲

萬季野竹枝詞

湖開鸚脰匹東錢誰把長陂決作田却恨宣和樓太守屢教

四明談助

卷五

四

西土失豐年

詩注宋徽宗時蔡京當國詔天下守令能增賦者得優擢
郡人樓異言廢鸚脰湖爲田可益賦四萬石遂以館閣知

鄉郡

白鶴山

向在廣德湖中與望春山對峙爲邑之西小朶

成化志

廣德湖白鶴廟

有增定祀典記見鮪埼亭集

十三洞橋董氏

地在湖中故河甚濶河上有董氏聚居力耕課讀嘉慶己巳
科進士董瀾字文濤號小樵題授江西餘干縣知縣恪守官
箴勤于埋治有廉明聲丁內艱服闋後補授直隸河間府寧

津縣知縣

望春山

向在廣德湖中上有龍湫及靈波廟紹興十三年郡守莫將
禱雨有應奏移象山蓬萊廢觀額以名之

延祐志

蓬萊觀

廣德湖碧波千頃中峙一山屹然如瀛洲方丈之在滄溟是
爲望春其間有神龍隱見興雲作雨政和間有陳孜者始建
道院于靈波廟東觀宇畧備紹興癸卯太守莫公將命道士
何思遠拜章禱雨而驗有請于朝賜蓬萊觀額以寵異之其
後主者吳若納同里之巨室厲氏兄弟創岱岳行祠于山麓
遂爲一方勝處事載于參政樓鑰記中職觀事者屢更淳熙

四明談助

卷五

五

間道士童思定胡志清同邑人厲斌增益前功銳意興造自
是殿宇廊廡儼若琳宮復建輪藏于觀西法輪一轉幽顯旁
達經始于戊戌而落成于辛丑糜金錢一萬緡金碧輝映四
境瞻禮傑然爲鄞之名觀事詳于里人戴機記中今湖已久
廢觀亦無存海上樓臺雲烟變滅矣

聞志

桃源王氏居湖上

鄧城令望春王先生該

字蘊之桃源先生之弟登慶歷六年進士第王荆公宰鄞
時與之友善以詩章相唱酬與兄齊名官吉州安福尉使
者過境上屬訪金橘對曰民事竊嘗有意矣茲非該所知
也使者不悅而去熙寧中終襄州鄧城令初官舍傍有嘉

木葉長可尺許每得一詩取葉書之歸橐蕭然惟脫葉甚
富晚居廣德湖中之望春山子瓘字元圭元豐五年進士
喜藏書以文行稱寶慶志
參聞志

王大府正已

字正之提舉勲之子望春先生之曾孫也少有廉名凡四
典郡六爲部使者終大府卿秘閣修撰以壻于樓氏故遷
居廣德湖上族望表列傳並見桃源王氏下
句餘土音鷺湖故蹟詩

望春先生居

慶歷兩純儒篤生嘉子弟清風滿鷺湖百世生遙企學道
在愛人一官非小試罷民吾所憐珍味吾所棄垂垂黃金

四明談助

卷五

六

橘不登進奉筥歸來老望春清風衫袖肆賦詩良自佳得
紙苦不易蕭蕭柿林中足我徧題字斯人騎鶴去流風貽
後嗣可憐提舉君身後無餘積大府亦自佳少年立名氏
可惜爲婦翁廢湖分餘蒔大府正已少年甚有清節以樓
氏之壻塞湖以爲民望則妄矣

白鶴諸公祠

白鶴舊祠宮以報諸賢吏鸚湖四千頃灌輸不可暨南豐
大手筆丁寧戒輕廢更有嬾堂文苦口三致意城西十萬
家世世歌樂利春陳鴨脚蕝秋薦鹿角芟惟我羣公臨何
須入蜡祭彼哉言利臣晝錦成私計更誰盡繭絲南渡增
重稅湖田之稅
增于仇愈乃以家門盛而反誇豐惠樓氏盛于南
宋故得立祠蕭
寥白鶴祠香火轉蕉萃少旱輒告災至今長爲厲

萬季野竹枝詞

白鶴岡頭望望春一般培塿水邊蹲平原何忽生高阜好
與西山作子孫

白鶴山神驅虎患

望春白鶴二山下皆有廟康熙甲子三月廟祝夢虎求食于
白鶴山神不許求食于望春山神許之白鶴山神怒曰為吾
祠下弟子當庇之奈何以供虎食遂相毆擊望春神不勝墮
其冠纓早起見神冠果側得一冠纓于田間自是西鄉虎患
遂止

李志

豐惠廟

宋政和七年樓昇守鄉郡墾湖為田人為立祠其孫鑰參知

四明談助

卷五

七

政事追封太師嘉定二年府以士民之請上于朝賜廟額舊
祀于望春山之靈波廟中後又別建廟于十字港之東俗呼

樓太師廟

寶慶志
參聞志

萬季野竹枝詞

樓公本意媚權臣遂使千秋遺蹟湮何事還留豐惠廟高牆
大屋坐稱神

華胡

萬季野竹枝詞

昔年曾向華胡過水闊山低幽嘗多自得石窻與百藥山增
巖岫水增波

知府華石臆先生愛

字仁卿少慕四明山更號石臆自童子時輒嗜學以儒士
舉于鄉中宏治甲戌進士授官刑曹改兵部出守桂林報
課得最入覲命復原郡先生意不欲更赴官卽解組歸性
篤孝友與人交溫恭蘊藉意味蕭然間與二三故人遊于
日嶺雪竇之間攀蘿拊石吟嘯相酬爲詩學杜工部王右
丞二家幾入其室書法尤重一時每下筆斐亶得者寶之
有石臆集詳者舊傳

胡處士一桂

字百藥萬歷中詩人隱居不仕其四言詩奇文奧義識學
兼造當是焦延壽一流爲後來詞人所絕無者旣而百藥
死矣有子曰傳字麟翼亦能詩周貞靖先生束茅山中麟

四明談助

卷五

八

翼嘗往來其間佛燈魚鼓時與共之麟翼來則負一橐中
藏百藥遺艸及所輯三百年典章四方文獻凡二十餘帙
欲去則負其橐去山中人無爲錄存副本者今麟翼亦死
矣求其橐中書絕不可得僅得存此一卷詩使後世與焦
氏易詞並讀人風彷彿愜想其餘斯猶百藥之幸也詳者舊傳
附處士里中詩二首

寓里中何氏折而南緣厓水竹青翠交加

平生最喜尋幽勝却羨村居近淥波水鳥每從蔬徑落荷
香偏傍竹林多小樓罨畫溪還靜中夜山陰棹欲過更喜
灌園人自老家家瓜瓞翳烟蘿

兒寓西隣華氏先君寓華之西陸氏中限一水時復緣

匡而語

野水平橋外烟光亂鳥啼迴塘相對語只是隔東西
十字港

廣德湖址自望春橋西南悉是今湖田之渠不能備載而十字港乃一大關會也其東自東港口抵望春橋西自西港口抵林村南自南港口抵清店蔣山湖後其北則自北港口出至高橋之南卽九里十條橋一路蓋自望春橋南折又西折歷包家橋一帶亦林村大雷之水所由入城也

敬止錄

葉處士小築

葉處士太叔字鄭朗後更名亭立字介子年十六七輒能詩沈嘉則大奇之謂諸生日年少中得一伯翼復得一葉生吾

四明談助

卷五

九

足老矣處士年三十餘詩已積餘千首會意有所傷悉取其文章火之至盡嘉則聞之爲歎惋已而意頗悔更追錄其所記十之一卽所傳思烟集者也晚年有藏山稿二卷詩益老成俱在思烟集後者

詳耆舊傳

附里居詩五首

小築

性本耽篇籍尤憐誦絕交先生號東郭小築選西郊花霧侵衣袂茶烟亞竹梢坐行都自適好鳥正咬咬

自適

窮老事不至幽栖興每新得情看竹久失記檢書頻攜杖徐徐步逢鷗欵欵親路人遙指點天地一閒身

定國解官後見訪留酌

幾年成別後乍見卽相存官罷君翻樂家貧我不言勝懷從
遠櫂幽事在孤村藿食還能否情親具一尊

秋日獨居兄子仲拔送酒至

幽栖地僻少人過唯有秋光滿薜蘿出霧亂山青就頂受風
淺水碧生波蟲經露城寒英謝鳥戀霜林落葉多誰破寂寥
心更遠阿咸進酒起高歌

泛舟歸來

輕舟晴泛大江平展畫攤書過幾程白鳥窺魚若閒立青山
送客似多情領來野色秋千頃歸到家時月一更老倦不堪
成久坐就牀幸喜夢魂清

四明談助

卷五

十

附沈嘉則薦葉生詩一首

以葉生太叔詩呈張大司馬

何爲寧馨葉生者新詩照乘珠滿把幽怪殊開汲冢雲古質
驚提未央瓦箭簇銅花綠血殷昆刀玉錯寒流瀉千年古鑛
蝕啼痕夜半荒坑射殘筆白鬣作鼓裂天門南山吼死洪鐘
啞鬼仙已謝李王孫詭譎難誇玉川也卽今論才莫可同居
然屈宋鞭箠下鰕生得士輒自奇不敢私之老鄉社大國觀
風季也聰東海泱泱推大雅不能清廟薦圭璋獨獻飛黃向

司馬

國寧寺

宋大觀三年建 國朝順治五年徙于高橋之南岸又有望

春橋北之接待寺宋國寧之子院也聞志國寧寺舊址唐時改建開元寺在城中延祐志所稱僧傳古畫龍卽警光也列于

開元寺下

崇德祠

在縣西十五里賣麩橋明副使陳槐嘗力主湖民減租議有

德于鄉鄉人請于郡守魏良貴立祠聞志

按察司副使陳公槐

字公輔生有異質體文弱然善方畧喜任天下事忼慨登宏治進士在刑部時多所平反積資陞武昌知府政績爲諸郡望正德十三年知撫州逆濠不軌人情洶洶公乞兵都御史王公守仁願爲犄角王公檄諸郡會兵公獨與吉

四明談助

卷五

十一

安府伍文定先赴收復九江南康諸郡擢江西兵備副使檻送元惡詣京師時武宗南巡公獻俘留都具奏入事帝多嘉納之值辰州苗反改公湖廣兵備上念公勞使扈從至京將用之會上崩不果公亦疾作引歸詳耆舊傳

張東沙廟碑記曰崇德祠者祀江西按察司副使半湖陳公也公故廣德湖人廣德而廢田之者宋樓昇時雖有議復湖者竟不果逮明興名其田曰官田佃田者租而不庸至正德初徵斂倍起民困日亟老稚繩繩委溝壑流亡者十且八九野突白晝不烟行者指湖爲窳而居者視田爲獄時有胡福首嘗疏籲于朝輒報聞罷乃儒士楊欽者起而破產走京師凡三上書丐乞復全折例時半湖陳公爲

郎司寇適又湖產也知湖賦害爲悉乃與天子近御之臣陳說首尾開設其可否而愆息之始得俞旨而外又與太守林公富暨諸當事者策畫劑之林乃力主斯議核上其事無所遜避而楊之說竟行每湖米石折輸銀二錢五分歲以爲常湖民乃得更生如蹟者起而骨者肉也旣而湖民爲祠祀林與楊以報稱功德欲并祀陳公者數矣而公力謝不可比公旣沒郡父老則匍匐抵郡庭請于郡守魏公良貴輒允其請乃卽申明旌善二亭廢址堂而肖像其中歲正月十有九日釀金而祭之公勲業行誼昭播士林與諸父老請祠之詞茲不復詳而獨詳湖事公名槐字公輔半湖其別號云

全謝山第二碑文半湖陳公諱槐鄞人以宏治乙丑進士累官湖廣按察副使家居鸞脰湖上嘗力爲湖民請減租湖民德之立祠祀焉予謂公有大功于民當厚廟食于國者不僅區區湖田之遺愛也卽世之稱公者亦但以其勤王之舉而豈知其當食報者正不止此公之以寧藩獻俘也武宗方留南京命浙直進地圖常州之惠山蘓州之太湖虎邱徽之黃山杭之西湖紹興之蘭亭寧之補陀皆將行幸焉是蓋江彬輩導之以爲泐途索賄計也公從容謂太監張永曰傳聞聖躬已違和而此曹戒行未已六龍輕馳毋乃危乎永瞿然曰公言及此國之幸也乃亟以告劉夫人始決計還京不然將寧藩之禍甫息而鼎湖在道江

彬之逆幾有不可知者雖有明宗社之靈實陰相公之言顧扈從諸大臣愧入地矣已而武宗抵京晏駕楊閣學石齋欲留四外家邊兵彈壓皇城部議亦將從之張永以問公公曰是皆江彬羽翼也速驅之尚恐後而反置之臥榻之旁乎永乃遽白太后令速回邊衛石齋聞而亦悟即日遣之越五日而擒彬矣向使邊兵不去擒彬之日豈能帖然安靜而無事卽令驅除如反手而要不能無所夷傷嗚呼是皆所謂社稷之功也古之鈞輔大臣有行之者亦足勒名旂常世享茅土而公以奉使遠臣借茲前箸措天下于泰山之安不必功名之歸已不亦休歟而惜乎明之不竟其用也公旣畫策以遣邊兵楊閣學偉之乃屬公草遺

四明談助

卷五

十三

詔事宜公具十事以進其中有連勲衛及中官者石齋不能用而御史楊材以公舊吏有怨遂誣劾之桂閣學從中主之公角巾歸第口不言功其卒也遺田三十餘畝而已雍正甲辰予拜謁崇德祠下讀東沙尚書碑其于湖田之事備矣而大者有未及陳氏裔孫襲祠而居以公之半湖日錄示予并乞第二碑文予不敢辭因爲之記

至孝陳先生良言

字志行副使槐之子天性至孝竭情事養居室有鵲來巢貓相乳之異皆誠孝所感

詳聞志

陳高士鏌

高士鏌憲副槐之曾孫有離垢地遺稿

鄞表獻

杲堂耆舊傳

云陳文學鏌字宣遠有詩名所傳詩絕少當更覓之

陳裕齋先生士良

字廷獻號裕齋副使槐明正德中討寧藩有功者其高伯祖也少卓犖不羣不屑章句之學讀書桃源書院適院中有佛像其手指墮地跳躍不止見者皆失魄先生取而踏碎之于是村中傳語以為陳秀才大物也嘗講求宗法毅然欲取而行之定為大宗小宗改易世俗之所稱宗長者以行祭祀其族人大譁而止為文踴厲風發皆直達所見父疾數年扶持未嘗離側居喪顏色稱其情友朋過之皆自斂不敢對之一笑

詳鮑琦亭集墓版文

陳孔塘先生昌泗

四明談助

卷五

十四

字魯水號孔塘少與宗人裕齋同硯席其所指歸在洛閩裕齋才高而先生心細互相討論以成水乳讀書于城西之桃源書院高視闊步時時以正議扶末俗村夫子以為怪顧窮甚束修所入不足以供入口乃以京房易傳賣卜巧發神中垂簾焚香暇則賦詩自適著有孔塘集

詳鮑琦亭集墓志

陳明經獻球

字翔皇少有大節甲申上書南樞史公請其勤王丙戌後高隱有子聚奎遊幕府死焉明經遂無後所著鷲湖山房集從子諧亦以詩名

詳續耆舊傳

同族敬萬歷戊戌進士

邦訓萬歷乙酉舉人通判

詳耆舊傳

鴻漸字遵陸乾隆庚子進士歷官廣東肇慶知府未赴任

卒僅

鴻漸子

嘉慶癸酉舉人

楊儒士廟

楊儒士欽字允恭西鄉廣德湖既廢募民墾官田輸賦如佃戶例後許墾田者斥賣田爲民業而賦重如故然猶祇納租不令值他役正德初差發日繁湖田之民逃亡者相繼儒士走京師叩闕具陳民困請援慈溪花嶼湖例用全折不賦米而輸銀朝議允其奏下所司勘覆郡守林公富力爲之主竟得改折鄉人立祠祀之

聞志

萬季野竹枝詞

湖田官稅倍民田恨事流傳五百年仕宦滿朝誰念此叩

四明談助

卷五

五

閻端賴布衣賢

賈麪橋王氏

知縣王公睽字禹瞻號曉園少負才棄諸生遊京師武陵胡

復齋

其

出知夔州邀與俱會大兵征喇藏復齋薦睽于制

府因假州判銜令督餉嘗昏黑失道念管子書老馬之智可用命縱銜勒隨所之遂造大營至弱水軍不得渡倣古革囊渡水法以濟時用四川雲南甘肅三路兵雲甘兵先至而餉已盡川帥意不欲分給睽言餉見餘五萬退而川帥咎睽睽曰今在絕域幸得破賊何患無餉否則兩軍饑死川兵豈能獨支竟分給之及班師軍士多以馬馱遺金睽力禁止道經雪山人多凍斃睽卒獨無恙叙功授陝西

漢陰令申請開墾水田城西紅石厓當孔道極險仄募工
鑿平後罷官歸卒年八十四所著有征西日記

櫟菴存稿

湖隄故蹟

望春橋南舊湖隄人稱夾塘又一處稱龍舌舊有朱氏別墅
桃源水由此抵西塘河

朱氏思訓堂

楊文懿公記畧距郡城西十里所橋望春而南故湖隄挾兩
川尾勢蜿蜒蜿蜒人名之曰龍舌舊族朱氏擅其勝而居焉
朱有別子曰茂秋甫徙築龍舌東樹桃枝竹若櫛比爲四藩
藩內地廣數十弓中屹穹庳宇五六楹聖壁黝窻扉前列數
柏結爲屏後擁筠篁數千百挺旁羅蔬果花給食玩其外疇

四明談助

卷五

六

隴廣沃秋甫角巾革履坐其間楣門揭二大字曰思訓恒仰
睇之蓋甫結髮耳厥考訓訓繁不殺大要欲其勤生樹基業
無詒厥考羞耳甫惟訓是念至老不忘間嘗謂守陳曰子其
爲我記厥堂竊念先君子爲朱之自出不敢以不文辭惟子
服父訓天也狼子戾訓尚踐垂沒言天豈泯哉聖安其天賢
利其天士勉其天也甫其士而賢哉不獨父訓可思六籍聖
賢之大訓可思風霆庶物天地之大訓可思甫老矣厥子姓
尚事于茲否耶

望春橋

萬季野竹枝詞

望春橋上望春波艸綠蘋香鳧鴨多最是城西好風景夕陽

處處起田歌

鄞俗繁華異昔年田家何事尚依然西郊九月迎燈社南郭
中秋鬪畫船

黃姑祠下畫船新擊楫泂洄捷有神村戶盡包新糯粽舟人
但著短梢褌

以下詳望春橋南浮石新莊至西郊管家岸止橋北袁忠
臣祠已見第二卷

浮石

縣西南十五里新莊宋知衡州薛公朋龜歸休林泉有四明
五老會置別業于此名新莊時適有石浮水而來因肖像立
廟曰浮石廟屢顯靈異水旱蝗疫禱之輒應元泰定間裔孫

四明談助

卷五

七

觀舉進士知丹陽更新祠宇贍田立石今薛氏衰鄉人立祀
它山善政侯王公聞志

浮石薛氏

舊所稱義門瑞室奕世同居者也其舊宅在縣東南張村後
遷于南城冷靜街此蓋衡州致仕林下與鄉老結社之所故
稱浮石薛氏但錄衡州公傳其前後族望表并安撫以後諸
傳俱見冷靜街薛氏義門下

知衡州軍薛公朋龜

字彥益政和八年進士歷官左朝奉大夫出知衡州致仕
在里門與汪汝直諸公結社林下後輩多從杖履相造請
時稱為四明五老焉所著彥益先生集二十卷

詳耆舊傳

五老

名位見義門薛氏註

附詩一首

剡中別吳客

百道飛流向剡飛高田不歉下田肥吳人只道吳山好黃
獨如拳也救饑

新莊周

望春橋之西南有浮石周氏俗稱新莊周其初自福建來
甬上族望表浮石周氏自運使保吏部尚書應賓殉難知江
都縣志畏知通城縣昌會知思南府元懋知順德縣齊曾諸
生昌時監軍元初監軍元越諸生志文共九望

三瑞堂

四明談助

卷五

大

三瑞者雙頭蓮兩岐麥紫芝也成化中兵部郎中洪公常爲
序中書舍人金公湜篆其簡端萬歷中右諭德周公應賓重
裝于南京翰林公署并題

三瑞堂
圖真頃

工部員外郎周公薇

字維翰由儒士中正德十四年鄉試嘉靖中知六合縣太
后梓宮葬承天道經六合公措置有方事集而民不擾歷
遷工部員外郎陞河南叅議未任卒其在六合民德之甚
繪像于城樓而祀之久之像損走數千里至鄞摹其遺像
而去其遺愛之入民如此

詳聞
志

贈吏部尚書周公萃

字維聚號水心負性伉直時爲人解紛排難人多懷之事

有不平需公一言卽決嘗晨入郡城于城闔中拾金一囊
中有賦牒知爲里正所遺跡之至酒樓里正猶未知也示
以囊乃泣謝兄弟三人友愛無間同墳而葬曹志公爲工部
薇之弟自新莊始祖至公爲第六世保第七世應寶第八
世見周氏宗譜

鹽運使周公保

字子翼隆慶五年進士歷遷國子監丞申明條約以身律
士終福建鹽運使里居卑屋數椽與妻子僕隸共脫粟飯
人稱其廉云邱志

周文穆公應賓

字嘉甫號寅所特行萃之孫保之子由進士選庶吉士授

翰林院編修歷遷吏部右侍郎在講筵多所諷諫以憂歸
里居十六年光宗立召爲南禮部尚書五疏乞休加太子
太保歸里卒諡文穆所著有舊京詞林志九經考異識小
編內外篇月湖艸諸書詳考舊傳

蘓州同知周公應浙

字符陽文穆公之從弟以明經歷官同知蘓州府所至清
操直道抗立不墮致仕詳傳志

周文學應辰

字斗文號綠莊文穆公族弟性疎散不事修飾壯歲游京
師再客白下有兩京集行世慕豫章山川過吉水遊于鄒
南臯先生之門先生嘗問曰使周生爲仲尼弟子當自居

何等綠莊謝不敏先生笑曰試言之綠莊笑曰某小人所學在樊須鄒門俱善其對晚年合刪其詩六百首名曰綠

莊詩采閩人林茂之序之詳者舊傳

周副使應治傳見月湖觀察第

周鄧州天覺

字後覺鹽運公族孫萬歷七年舉人歷官雲南鄧州知州地雜蠻獠土官多相猜公坦懷以待境內安戢曹志子乃祚孝行醇篤宗族鄉黨無不愛敬聞志以下禮智全三行前後

俱照周氏譜

周光祿元孚傳見月湖觀察第

周太僕昌晉

四明談助

卷五

二十

字用晦一字自照同知應浙長子也萬歷四十一年進士累官督學御史族父尚書觀察兄弟並同居為林泉雅會太僕以子弟參焉已而坐黨論歸乙酉進太僕寺少卿太僕居湖上所築葭露閣著有葭露閣集子致泰亦工詩別有傳續者舊傳

思廟遺紳詩選引續甬上耆舊集

陳太僕朝輔周太僕昌晉水尚寶佳允三君皆掛黨論而周陳名麗爰書水則于思宗時為周申雪遂亦陷焉吾鄉薦紳當啓禎時稍能自潔漸消故相之門戶矣三君不幸而墮此然以鄉論定之陳太僕固謹厚人尚寶亦然周則谿刻為人所畏茲合錄其詩為一卷而以徐太僕之垣終

之徐于平日無玷惟蘄州失守以學臣衣婦人衣而逃是則可媿者若其亂後披緇以老亦足蓋其前愆也

周通城昌會

字興符同知應浙之次子天啓元年舉人以志力自稱叩鉢萬言然不苟作父爲蘄州同知官囊所入盡以散之族黨無所私焉以伯兄昌晉旣入奄幕先生不欲與同居偕弟乘六還浮石故廬中無復宦情其諸兄弟強之出知湖廣通城縣蕭散自喜顧以不善事巨室投劾去國難後剪髮爲頭陀署曰方外盲史周昌胄莫知其更名之意也曳馬藤杖行于道上爲眼白仰天而呼鼓掌大笑時而謾罵以杖擊人間與小兒嬉戲爲諸不潔之事行道之人駭之

四明談助

卷五

五

稱爲顛和尚者也是時伯兄尚在嘗過之歎曰弟不可及然太白苦先生掉頭不聽弟昌皆國難後有高節時時過之先生爲一笑或相對流涕或竟日危坐此外子姓莫敢有妄前者卒年八十有八

詳續者舊傳

周石公先生元越

府學附生魯王監國與從兄元初同赴江上授監軍

周氏宗譜

周刑部元登

字汝翼文穆公從子也以蔭授通政司經歷累遷刑部郎中囊雲先生稱其豁歛案之株連慎加等之條律寧攫聖怒被譴遐方比至粵西仍曠然自得不少芥蒂辛巳赦還徜徉罍湖之濱是丙戌以前之揚歷也丙戌以後又嘗從

亡海外惜不得其詳矣續者舊傳

周監軍昌皆

字乘六一字蘊公兄弟五人長兄太僕昌晉不爲公論所許其最有名者通城令昌會而先生志行與之埒乙酉東江初建諸兄弟如元初元越皆參錢忠介公幕府先生聞而喜曰督師忘身許國天下事尚可爲也出而從之既至瓜里見諸軍爭地爭餉無進取志忠介亦無如之何則又歎曰此間不足計事吾有老母未可浪死于此乃辭歸杜門不出丁亥以後先生既伏田間而浙東山寨大起游騎四出索餉巨室無得免者時西山爲馮侍郎駐軍地先生累被縛去幾死者數矣所輸以萬計侍郎不知也庚寅後

四明談助

卷五

七

被執且死有同里徐鳴珂者故學役也聞先生急乃募死士乘夜突營奪之而出追兵及之先生得免而鳴珂死先生以金購其尸歸爲治葬于家墓之旁題曰故人徐君之墓歲時修其祭祀鳴珂蓋舊受先生周卹者然其人本叢殘之夫乃能仗義捐生固足見先生感人之深而鳴珂亦不可及甲午先生于故國諸生當入貢棄之乃作自叙詩五章諸遺老皆和之著有韞公集先生諸子能承先志不試而章泰尤工于詩別有傳續者舊傳

周棲烟先生元初

字立之學者稱爲栖烟先生副使應治之子文穆公撫爲已子及承蔭則讓于同祖昆弟其一卽刑部郎元登其一

卽思南守元懋時人賢之及國難刑部從亡海上思南祝
髮縱酒以死而栖烟從戎仗節論者有三珠樹之目栖烟
少負大畧東江建國與其諸弟石公先生元越赴之以白
袷叅軍事悍帥爲梗不得展其志迨國亡隱于榆林與族
子囊雲王公水功陸公周明昕夕過從稱榆林四老棲烟
故擁文穆遺貲以輸餉江上蕩其十五戊子力救華王二
公之難又蕩其十三至是雖行遯尚從事于窮島之聲援
遂盡廢其貲而操行彌厲麻衣艸履陶然也嘗作捉鬼者
傳以寄其憤文存續者舊集本傳中晚年周明死王事囊雲亦卒水
功返城居栖烟乃往來郊城間豫高武部九子之社未幾
諸公相繼卒雖離羣索居雄心未已寫捫虱圖以見志著

四明談助

卷五

三

有自怡集

續者舊傳

周思南元懋

字德林文穆公從子以文穆任累官知桂州思南府公性
跌宕本思以文詞入館閣及受門資之寵非其好也丁艱
歸里錢忠介公起兵招之時服尚未闕不赴而傾家輸餉
不少吝丙戌六月江上失守公慟哭自沈于水以救得甦
後削髮入灌頂山中終日沈醉性不喜獨酌呼山僧強斟
之山僧醉則斟樵子或歸家則斟其子弟子弟以事去則
執途人斟之人皆避匿不得已乃獨酌竟以病酒嘔血死
人稱爲醉和尚有枝隱軒集續者舊傳陳御史子天樞其婿也

周氏譜

城西浮石明尚書周文穆公之居也文穆羣從子孫多賢故當易代之際爭求完節以不媿世臣而枝隱軒者思南知府元懋德林所構也思南嗜酒其庋軒中者皆酒器大小疊迸不可數也軒外平疇所種者皆秫也軒旁有厨有庫顧無所長物所列者則鬻瓶之屬也思南不問室家事賓客至先通名其所問者客之能飲與否也數日之間或不得伴則遣人招之或以事辭則親往強之或不遇則窮之于所往終不得則四出必求其人必不得則樵者牧者漁者皆執而飲之其觴政然也自丙戌以後五年其醉鄉之日月也一日坐軒中忽大嘔血笑云此吾從麴車醞釀

而成之神膏也非病也嘔不止飲亦不止此其所以死也死之日有父老入哭于軒不知其爲何許人也其哭云人固有以不良死者有以良死者夫夫也其在良與不良之間者也或問之則曰吾于文穆之家得三人焉江都君以不良死者也囊雲以良死者也夫夫也江干之破自投于水浮沈一里有餘而爲人救之不得遂其志欲從江都君而不得者也旋聞其入灌頂山爲頭陀矣以爲不得溺于水常溺于酒顧山中得酒甚難乃返軒中日飲卒以溺于酒而死欲從囊雲而不得者也不死于水而死于酒是非不良死也然其死于酒猶死于水非良死也孔子謂殷有三仁周氏之三人猶此志也思南卒後九十餘年同里全

生過是軒而記之溯酒人傷節士也

周貞靖先生齊會

字唯一工部員外薇之元孫鄧州守天覺之從子登崇禎十六年進士知順德縣縣多盜謂為饑寒所致乃置義田以義倉法行之又仿北方弓箭社募鄉勇為捍禦改知香山香山與黎人相望一海土官欲渡海入葬直指許之公不可乃止故相黃士俊家居多畜無賴以害民公捕得即投之海中兩都繼陷棄官歸道人榆林盡去其髮而為髮冢曰惟松有聲可以無哭惟薤有露可以無淚唯鳥石依依可無弔客髮冢銘全文并復王觀察書俱載續耆舊傳中架險立瓢榜曰囊雲束竹覆茅皆出已手終身不一入城所親或強之至城南

四明談助

卷五

五

欲自投水中其孤峻如此世所謂野和尚者也

續耆舊傳參南雷文

囊雲居士遺集序畧杲堂文鈔

先生自順德令解官歸里丙戌後入山為沙門人稱曰囊雲大師其歿也里中屬余諡為貞靖先生不使淪于沙門也先生生平出處大節及他言行著作俱岸然無所附自為童子時讀論語孟子治本經俱默解其義蓋不附傳疏其為制義也不附主司其為吏也不附上官不附鄉大老及于盤谷構山房束竹覆茅盡出已手復能受勞苦其入山當由一溪水常沒踝以上先生謂過溪若須筏即須竹須舟即須板須橋須梁即須編柴即待負亦須人不如用吾脛吾脛自善涉嘗共諸禪人涉俱不脫芒屨先生謂沙

石齒齒芒屐質柔不及吾足竟跌而涉時諸公遁迹沙門
率受諸釋老衣拂椎鼓上堂稱其法嗣先生獨不肯雪竇
石奇老人欲傳先生鉢久矣然微聞先生時一歸村居仍
入彥倫之室遂得止是其遁于釋門也蓋不附釋門先生
既歿余謚之諸子請余爲先生立傳叙其遺詩余笑謂叙
先生集大不易然余文或先生所善也蓋先生固嘗知余
非附先生者

囊雲先生雲樹記畧

鮎埼亭集

周先生既築艸瓢于小盤谷題曰囊雲一日于懸厓間得
奇木枵然空心三面圍一面可容人入立坐其膚理半如
螺黛如大佛頂又如口大開高不盈數尺抱之須人三手

四明談助

卷五

庚

臂移入屋底以爲養和雪竇住持石奇見之呼以雲樹而
題以詩囊雲既沒雲樹流轉至桓溪李丈東門移置其家
歲久蠹蝕前此諸公所賦詩皆不可識予令東門子世法
重爲修整其下奠以巨架而更爲之記小盤谷之北有所
謂翰林松者明戴洵之遺也其人無甚足稱猶且以之傳
其松而况囊雲乎李氏其世竇之矣
句餘土音詩

山中歸

囊雲和尚戀家

山中歸來訪彥倫癡流訝我戀塵根我非西竺乾土人吁
嗟此意難脩陳呼老妻畫白眉欲別重惻惻勸君加餐食
慰我長相憶

詩話囊雲和尚自山中歸必入其令人之室或疑以爲塵根未斷不知此正囊雲之有託而逃也

囊雲先生雲樹歌

剡源九曲九洞天神仙窟宅富烟霧榆林窈窕接白溪迤
遲六詔三石足清娛孫郎赤棠今存否謝老青櫺不可遇
是誰巧斲片雲根空山神靈爭翕聚乍疑巢父一枝成倒
垂轉似木公東天曾小住蒼然有如太古青銅色不知歷
劫桑田曾幾度貞靖先生漢遺民采蕨茹芝節良苦桐江
一竿繫漢鼎潯陽五柳光晉祚深山長往忽相逢此是老
生憇足處天留淨土擬盤曲人錫嘉名曰雲樹比似袁闕
土室更幽蒼若校范粲柴車彌古趣有時大佛頂中光氤

四明談助

卷五

七

氲直與沆瀣相互噓先生老作騎箕客洞天蕭寥失依據
孤魂或在九曲間遺澤幾憂委道路六十年來流轉歸此
間差喜主人不俗知愛護吁嗟君家大父亦同岑尚克保
茲氣類永無射長養猶多山澤靈弄藏莫被蟲魚蠹冥鴻
之羽可爲儀夜看星芒騰古婺

周公子嗣昇

傳見月湖觀察第

周公子致泰

字開文太僕昌晉子工于詩最長厚有六朝世胄之風而
以貧死其集四卷數年前尚無恙今爲一年少所得不知
流落何往矣

續耆舊傳

周布衣章泰

字憲臣一字琢隱諸生昌普子也布衣生于丙戌以後而以父志節未申終身不求進取張尚書冰槎集布衣賣田刻之每歲九月必至杭之南屏展尚書墓家居喜深衣幅巾可謂畸士然遂以此落其家後徙居桓溪著有今日居集惜不得其足本續耆舊傳

周文學章庭

字樂只綠莊先生應辰之孫性至孝嘗館于石門勞氏主人具饌每不食輦問其故曰吾非佞佛因二人甘旨缺供何敢自貪口腹耶窮約終身不易其素云三補舊傳按周氏譜名有穀字樂只應辰之孫非名章庭

殉難知縣周公志畏

四明談助

卷五

五

公爲鄧州牧天覺之孫崇禎十六年進士授江都知縣時史閣部督師揚州高傑將士凌辱州縣公不勝其侮請解職從幕府自効史閣部命羅伏龍代之仍留督軍務乙酉四月十八日大兵逼城下偕伏龍等分門拒守城破闔室死之乾隆四十一年賜諡烈愍明殉難諸臣事迹附揚州幕府監紀應廷吉

廷吉字斐臣由舉人授碭山知縣史閣部可督師揚州擢

淮安府推官赴軍前爲監紀廷吉精天文三式之學先是崇禎十年計偕至宣武門見一白雞喙距純赤重四十斤觀者莫識廷吉慘然曰此鷲也所見之國亡十六年六月露坐雷電交作陰雲四合有火星出聲如爆廷吉曰天元

玉歷所謂電中聚火也人君絕世此殆是乎閣部按部至淮升帳有旋風從東南起吹折牙旗轉至丹墀令廷吉占之事皆驗閣部嘗夜坐召廷吉問之曰垣星失耀奈何廷吉曰上相獨明閣部曰輔弼皆暗上相其獨生乎愴然不懌左良玉兵東下閣部又問廷吉曰君言夏至前後南都多事果何見也廷吉曰今歲太乙陽局鎮坤二宮始擊關提主大將囚客參將發且文昌與大陰併凶禍有不可言者夏至之後更換陰局大事去矣及揚州陷廷吉不知所終

詳見錢志

周布衣志嘉

字殷靖一字嵩庵又稱蝸廬老人烈愍公之從弟丁亥年

四明談助

卷五

无

十六受知于華吉甫之門極稱許之是年十月吉甫被難下獄先生每三日必具橐餼往探之吉甫獄中詩相贈者最多吉甫死取其所贈詩張于壁間曰吾不敢忘知己也時先生之年甫冠可以不甘放棄而毅然守世臣之節不復試于有司晚年耆老凋喪困甚愛光溪山水之秀因徙居焉溪上有楊氏家頗饒亦稍習聲律以其二子見設醴甚恭先生謂同遊者曰此中山水之秀老我于此不厭所不可者多此一楊氏耳夫夫也學爲韻事而無其實者也未幾卒以窮死所著蝸廬集今已無存

續考舊傳

周隱君志文

字西人亦浮石之支也然今問之周氏無知者

續考舊傳

順德江都二公皆中于崇禎十六年相傳是科館選流賊
密令山西巨商主之凡求讀中秘者巨商卽招致之爲納
賂于宦者無不得及城陷牛金星大言曰新翰林尤宜速
報名諸人始悟前此來招致者之爲賊也內負疚而外畏
禍遂巡而出盡汗僞命第一甲三人無論已三十六庶常
不得免者三十四是館閣未有之恥也就中惟張家玉萬
發祥吳爾壘乘間逃去三十四人中之孤鳳也幸得不預
者二人其一達州李長祥最稱完節其一亦不終餘皆散
官內有殉難守節者四十餘人而吾鄉周氏得其二江都
令殉難揚州順德令守節以終莫謂是科之人皆足恥也

鮎崎亭
集外編

四明談助

卷五

三

同族 原嘉靖癸未進士知青州府昌樂縣 蔣嘉靖乙

酉舉人知縣 應岐萬歷癸酉舉人

周卽墨斯盛

字圯公烈愍公從子順治辛丑進士負才能面折人過知
卽墨縣爲鎮將所構論死獄中賦詩不輟以赦免徧走名
山大川以昌其詩先生以非罪去官年力方壯世謂其必
復起乃竟不振潦倒客途以卒著有證山堂集嘗論定明
十五朝之詩曰詩證其書未成藏于家續耆
舊傳

白雲莊匿囚

鷓鴣先生宗炎字晦木姚江黃忠端公之仲子伯子卽梨洲
也畫江之役先生兄弟盡率家丁荷父前驅婦女執爨以餉

之步迎監國于蒿壩伯子西下海昌先生留龕山以治輜重
所謂世忠營者也事敗先生狂走尋入四明山之道巖叅馮
侍郎京第軍事奔走諸寨間庚寅侍郎軍殲先生亦被縛侍
郎之嫂先生妻母也匿于其家又跡得之待死牢中伯子東
至鄞謀以計活之故人馮道濟尚書鄴仙子也慨然獨任其
責高且中等爲畫策而方僧木欲挺身爲請之幕府道濟曰
姑徐之定無死法及行刑之日旁晚始出潛載死囚隨之既
至法場忽火滅暗中有突出負先生去者不知何許人也及
火至以囚代之冥行十里始息肩忽入一室則萬戶部履安
白雲莊也負之者卽戶部子斯程也鄞之諸遺民畢至爲先
生解縛置酒慰驚魂先生陶然而醉隔岸聞絃管聲棹小舟

四明談助

卷五

三

往聽之尋自取而調之曰廣陵散幸無恙哉

鮎埼亭集
神道表

句餘土音擬薤露詞

鷓鴣飛萬布衣奪囚

疾呼行不得而爲天網嬰看看斜日影蕭蕭隣笛聲斯人百
夫特喪之良可矜雖然以義死亦足表孤貞其奈白髮母聞
之雙淚零神策乃潛運脫彼刀下生黑風滿東市天意還相
成鷓鴣其速飛吾亦隨君行

詩話黃文晦木別號鷓鴣以馮侍郎之禍赴市萬戶部次
子用奇計奪而生之詳見予所作鷓鴣志中時同豫此謀
者爲董戶部次公天鑑李公子杲堂皆以兼金爲助而馮
公子道濟以北珠百枚其功尤多

附臬堂寄黃晦木書

晦木先生坐右某以苦風疾藥石蕭然人希至吾門適先生同節公過我手啓東扉歡情相接家人剪蔬治鮮分供二客茗酒雜行忘其草草萬充宗亦來因共止宿十餘日藜牀帷漏充宗夜取紙粘之三人對聽風雨某病喜尚可忍相與久語每至乙夜時有所撫掌不至大噓不止是夕肺爲增劇及次日復能強起蓋自獲交于先生欵然良對得盡所懷未有過于今日者也先生嘗注易已十之七某間相執問先生爲發一二俱闕章句所未有曠若發矇于離之九三曰離當日昃君子進德修業此其時也若不善處此者有二不過于樂生爲鼓缶而歌則過于憂生爲大

耄之嗟憂樂既失其正其道俱凶志荒于中何可久也某聞其言警歎彌日復退而繹先生之語蓋離以二爲中三近于二爲日中之昃在未曰昃謂之小遷其至于薄暮猶未也且離方兩作今日已逝來日猶有期進修有時不可失也今一爲鼓缶而歌是未逼桑榆便思絲竹陶寫拊缶而呼烏烏終當以樂死者也一爲大耄之嗟所謂生年不滿百常懷千歲憂戚戚終日遂若旦暮之人者也不此則彼其能久乎某少遭家難幾死年三十餘苦肺氣涌幾死自後體中常不舒今作五十公便買地爲藏真處將手植松柏引素所周旋人觴咏其間以送餘齒今聞先生之言更惕然而興汗流竟趾自念衰未至憊尚可自勵如徐野

民年過八十猶歲讀五經一過可以爲法庶幾晚節豫學以無蹈日昃之凶皆先生此解能策我于西夕之年也餘注何時可畢望先生盡遣諸累杜門精銳以成此書蓋五經復興盡在黃氏矣初秋之期埽徑而待冀得更聞教誨諸不一不一

甬上證人書院

在西成橋之南地名管邨卽萬氏之白雲莊也

證人書院記畧 鮎埼亭集

證人書院一席蕺山先生越中所開講也吾鄉何以有之蓋梨洲先生以蕺山之徒申其師說其在吾鄉從游者日就講故亦以證人名之書院在城西之管村萬氏之別業也先生

四明談助

卷五

五

當日講學必原本于經術而後不爲蹈虛必證明于史籍而後足以應務原本之可據可依前此講堂錮疾爲之一變其論王劉兩家謂皆因時風衆勢以立教陽明當建安格物之學大壞無以救章句訓詁之支離故以良知之說倡率于一時乃曾未百年陽明之學亦復大壞無以絕蕺嶺異端之夾雜故蕺山證人之教出焉陽明聖門之狂蕺山聖門之狷其評至允百世不可易也然先生之學極博其于象緯圖數無所不工以至二氏之藏亦披抉殆盡夫學必于廣大之中求精微倘以固陋之胸自夸擊盡疵類何足道哉平生流離顛沛爲孤子爲遺臣始終一節一飯不忘君父晚年名德巍然翹車所不能致遂爲前代之完人其爲躬行又何歉焉吾鄉

自隆萬以後人物稍衰自先生之陶冶遂大振至今吾鄉後輩其知從事于有本之學蓋自先生導之萬君承勳先生之孫婿也請予爲書院作記謹述其大畧以歸之

寓公黃侍御宗羲字太冲學者稱梨洲先生餘姚黃忠端公尊素長子先生在殘明累官至左副都御史以己丑從翁洲歸又四十六年而卒門人私謚曰文孝先生少從忠端公學于甬上其時忠端授徒董氏卽天鑑先生家也而慈水二馮合浙江才彥與復社應二馮之子弟芾皇道濟元箸次牧躋仲劉瑞當姜崑愚鄞則董次公陸文虎萬履安天鑑兄弟三人姚江則先生兄弟也丙戌而後先生兄弟流離患難實賴吾甬上諸公之力以免故先生自言平生師友皆在甬上及

風波稍息重舉證人之席雖嘗一集于會稽再集于海昌三集于石門總不甚當而吾甬上經史之學蔚起兩筮宵燈一振前輩之墜緒者實以先生之功爲大續耆舊傳

昔者夫子之門惟曾子爲最少史傳謂曾子能通孝道故授之業今先生年十七卽上書伏闕下訟忠端公之寃長操長錐刺奄奴名振天下退而奉太夫人色笑六十年如一日忠孝淵源比于曾子宜其得劉子之傳而先生更以一身上窮六經之源下泛百氏之海使吾黨共折衷于先生足以自信傳曰高山仰止人師難逢生斯世也舍先生其誰宗耶先生年踰六十尚嗜學不止每寒夜身擁緼被以雙足置土爐上餘膏熒熒執一卷危坐暑月則以麻帷蔽體置小燈帷

外翻書隔光每至丙夜以先生所造然猶老而好學若此此
真古今人所絕少也

俱見果
堂文鈔

弟宗炎字晦木一字元谿季弟宗會字縮齋又字石田俱
受業戢山之門有證人書院三黃之稱

萬氏寓居管村

國初時萬都督衙讓爲提署箭廳其子孫散處有居于此者
萬季野西皋移居詩

身計憐如鳥翻飛依故枝松杉先世澤魚蟹野人資藥圃猶
堪植蓬門尚未欵悠然泉石意塵外豈能知

江城三里外卽是白雲莊登眺心仍壯歌呼興亦長買魚尋
釣艇覓藕下寒塘只少論詩客攜尊過艸堂

四明談助

卷五

五

又鄧西竹枝詞

鄞俗由來不尚華布衣糲飯足生涯田家有子皆知學仕族
何人不績麻

兵馬城中比屋屯儂家近住郭西村濯纓尚有清流水注酒
還餘老瓦盆

萬西郭

承

白雲莊歲暮雜詩

閱閱今爲戎馬場依栖丙舍耐荒涼不因窄狹無安頓針綫
圖書共一房

飄零不復舊妝臺相對如何有好懷惱殺蒼頭偏媚婦過年
早與打銀釵

寒舍盤殮亦滿堆園中白菜海中苔不知肉味真三月辜負

猫兒上席來

臘殘春至氣和融
開到庭梅半樹紅
曝背花間聊假寐
蜜蜂附耳喚翁翁

鄧山書院

在大卿橋之南元大德間鄉儒趙壽建割別業一區爲祠祀紫陽夫子以其祖岳州善待配袁學士梅爲記嗣後修廢不一至正間山長毛彝仲重闢改構天台劉德元爲記聞向有鄧山書院橋橋欄五大字石刻筆力蒼勁舟行過此尚可彷彿古蹟至嘉慶甲戌間爲修橋者惜費將其石別用不設橋欄數百年舊物一旦無存矣

劉德元鄧山書院記畧

四明談助

卷五

吳

書院之作猶古黨庠家塾之遺意也我國家右文崇教凡郡縣悉置學以祀先聖孔子又別爲書院以祠朱子而諸鄉國儒先行業著于時模範垂後世者亦得祠而報祭矣鄞城西二里鄧山書院者郡人趙壽請建以祠夫子也命下俾壽職長書院未幾卽世閩人林德載來繼是職規畫漸成天歷間帥閩從事真定白湛與山長鄭紹實圖充拓建殿設祠講堂齋舍粗完僅二十稔而敗損過半至正庚子天台毛彝仲以舉茂異來坐皋比撤舊爲新易遷位置徙天光雲影亭于歸詠橋西畔仍治橋及隄于是河流三面松篁四匝宮牆炳綯水木清華蔚乎具瞻請文勒石使聞絃歌聲知爲禮義之國則干戈俎豆得不有誕于文德歟勗哉

史府花園

據寶慶志圖在西郊外清道鎮會別亭之河南擬其地當在
管村左右

四明談助

卷五

七

四明談助卷三十五

西四明副脉爲府治朝沙者第詳城內外諸勝而未詳副脉之源茲由委而溯源其脈分于赭嶺自婁輿過峽至樟村太白山東行起錫山未起錫山以前先自分水嶺下分水出大皎溪北有八囊山蘆栖坑鯨魚山等蹟斤嶺下分水出小皎溪北有磨盤山朱湯梅輿長嶺方石門潭蓮花潭等蹟二水至松巖寺前而合皆爲西四明護沙既起錫山山下枝脚內有天象巖西石山人頭山鍾家潭許家橋外有建輿石潭鳳山在南寶巖梅園藤嶺在北自藤嶺起高閣山落洋者爲錫山進城正脉歷九灣黃公林青墊戴家宅俞家宅布金寺張家潭茶亭庵像鑑橋看經寺大禹王廟張家衙歸津菴圓明

四明談助

卷三十五

菴小桃源等蹟水出甬水橋河所有事物詩歌遞詳于下

樟村太白山

樟村土地平曠于原隰中突起一山詢之士人稱爲太白山南對隔溪密巖北對翠山寺後天馬峯山上更起一峯舟行望見亭亭獨立如華表土人稱之爲望海尖山下卽寶積寺婁輿天馬峯已見首卷

舊志云石樓山在縣西南一名石柱太平寰宇記稱爲四明山纜風石出處恐卽此山土人不知但就形似稱爲望海尖又翠山寺志云峒山輿底落脉起錫山水會莊家溪約十里則峒山亦在是處但此峒山非卽彰聖寺稱峒山院之峒山

樟村

在太白山之南桑麻徧野雞犬相聞其土最肥土下種貝母
土上可種萊菔菜糞則一舉兩得獲利十倍子禾有野店十
餘戶夾道而開數十里外魚鹽食物皆取給于此山麓有寶
積寺大溪自巖下西來至天象巖南折會于桓溪而去溪
闊八九尋居人編柴架木作橋以通往來履之足浮浮如步
虛泉流震動目爲之眩隔溪爲許家壩崔家壩喬木成林烟
火數百家

竹林菴

距縣七十里明成化間建 國朝通聖重構殿壞佛聞在樟
村西寶積在樟村之東

國朝林樾詩

四明談助

卷五

相過傾蓋有歡顏故把尋常禮數刪悅我偏多溪上水欸人
但得案頭山風掀茅屋雞能語雲暗松窻鼠亦頑勝事還來
頻應接不容一頓飯時閒

寶積講寺

縣西南七十里唐清泰元年鄭仁潮捨宅建宋乾德中鄭遇
復建名總持院大中祥符三年僧文政興造至慶歷六年而
成僧洞真有記治平三年賜寶積額元祐間僧宗瑩重興中
大夫周鏐有記建炎間燬乾道三年重建賜翠巖山寶積額
聞有經行軒披風亭見後周記

宋周四休鏐重興寶積寺記

四明山與天台並高東接滄溟西連禹穴穹窿盤礴幾數百

里嘗有雲氣蒙覆其頂僊書以爲洞天殆不妄其間崇岡秀嶺深林窮谷多昔人結茅之地歲月浸久易以層構往往金碧相望于烟雲杳靄之間前年予卜先人之藏于銀山旣居其院與所謂空相院者並望其北曰錫山又有剎焉卽此院也錢氏時鄰翁鄭仁潮捨其基而建中間輒廢乾德中鄭遇復構之號爲總持慶歷丁亥歲僧可華主其事始爲像殿與講堂而尹熙又繼葺之稍稍完具治平中有事明堂因錫額曰寶積而院遂興焉宗瑩上人熙嗣也旣新前人之構又穴堂之右爲行人修行之室且患山之西阜不豐廼益培土以輔植木森然將于上方之上建經行軒以爲行道駐足之所又于山之前爲披風亭使度嶺者得憇焉鄉人父老咸以能

四明談助

卷五

三

幹名之而予于是知瑩可嘉將刻其勅額于石以爲之誌而過予求文故爲之書云元祐四年三月望日

韓千戶死難

嘉靖乙卯五月倭寇五十餘人流入東鄉橫石橋至七里塾葉千戶紳領兵禦之爲所殺後二日賊西流至樟村千戶韓綱領兵防遏猝與賊交從兵皆散韓挺身獨戰死之

聞志

密巖山在溪南

進樟邨里許隔溪望見絕壁千天危然欲壓巖下路狹如綫俯矚深溪旁無附葛觀行人輒爲惴惴此卽志所謂密巖也屬東四明山與樟村各脈二蛟水皆從此巖下至天象巖轉南而去

大輿嶺

從鳳輿市進樟村之路嶺之南北有圓墩夾護西四明來脈至此又一束起錫山

錫山

縣西南五十里山嘗產錫故名寶慶志葱蒨挿天泉源甘潔脉

絡或起或伏隆隆隱隱結于郡治城中正明嶺雲石皆其所

盤延也實一郡龍脉之祖聞志山有龍竅屈曲而下莫測其底

四明志會稽記云歐冶造劍赤堇之山破而出錫黃南山簡要

志云赤堇山東有甬江蓋卽鄞之錫山以其破而出錫故稱

錫山別志言在貿山及奉化之鄞城山者均誤敬止錄錫山之

脉東行南北展開作帳南止于人頭山界以中潭北止于藤

四明談助

卷五

四

嶺界以莊家溪北帳角起高閣山落平洋爲府治朝案之祖

八囊山

八峯相次在大皎之上四明山志溯錫山來脉先溯水之分處自

上莊南一派出分水嶺落大皎溪北爲西四明護沙亦稱帳

角至鯨魚山止分水嶺斤嶺已見第二卷

蘆棲坑

兩山蘆覆二十里無居人亦遂名孤悽四明山志隔水有茅鑊有

箭厂兩岸俱可達仗錫

鯨魚山

土人稱龍山在兩皎合處山下有松巖寺

松巖寺

鄞西南九十里大皎山舊有松巖寺創始于後晉天福七年
聖僧某屢修復圯康熙四年乙巳衆請雪菴印禪師重興之
寺舊在溪南師相吉壤于溪之北誅茅以居適暴雨溪漲有
巨木逆流駢集師得依以爲材衆咸神駭錢工勸相已酉遂
建大殿諸室以次落成法嗣文悟志禪師請余記其碑悟師
曰去寺三十里爲它山聖僧轉身爲亮大師築堰以利濟一
縣之田至今有像設焉而先師之貌適肖其像又亮大師之
轉身也噫此因果輪迴之說余不得而知果爾則松巖之澤
及于鄞民者溥矣逆流運木天且相之而況于人乎

黃百家
碑記

節錄四
明山志

相傳晉天福七年有秋江禪師者遊方至此跌坐石上俄而

四明談助

卷五

五

虎踞其側山民異之爲建精舍以居初名小溪松巖院宋治

平二年賜名松巖禪寺

本朝康熙間重構

聞志

乾隆間復構

琳宮金剎翬飛于浮嵐暖翠中峒峒在望遠方之人指以爲
靈區奧境嘉慶辛酉與洪生日初重遊其地佛宇森嚴而絕
無僧影蓋爲地棍所窘浮屠盡匿誦唐人黃葉前朝寺無人
獨自開之句爲之悵然

朱湯

梅畧

長嶺方

小皎磨盤山爲錫山之祖出入必由長嶺苦于登陟嶺下方
氏始于溪上搭一橋內通小皎外通朱湯梅畧等處行人便
之今皎口三村男耕女織雞犬相聞而方氏尤尚禮教重讀
書國學起乾斐園叔姪二人善吟咏有時自相唱和文學江

臯開仁叔姪專攻舉業客至其門無不款留有詩人相訪則更爲傾倒真所謂祇疑淳朴處自有一山川也斤嶺水歷小嶺上莊石壇龔村由小皎口出大溪與大皎水合

石門潭 蓮花潭

潭多怪石皆皎口上流也四明山志又云石門潭在中村神祠有碑曰驚浪山此特東七十峯之總名耳至云中村則在小皎溪之北屬西四明

天象巖 俗名天打巖

巖趾浸水兀然聳峙當大溪之衝或曰下有龍潭其深叵測路卽隨巖凹凸跨搭而成仰視岑蔚重重珍禽隱露幽響相答溪水由此轉南達環村與天井諸水會凡樟村內地之水俱由鄭家畝落此巖下巖上有陳諸嶺可達建輿巖後連西石山予有句云天象巖頭水蔚藍珍禽嘉樹俯澄潭鷓聲鴉軋上灘去嵐翠還從艣後看

人頭山

巖石嶽嶮數百仞中悉作人面形或倒或順髑髏纍纍蓋大小皎二水從樟村來天井灌頂水從後衙來銀山輿水從環村來其勢皆趨于東人頭山截然一塞力挽狂瀾是爲中流之柱隔溪爲東四明王家滙山天然對峙作關鎖

西石山 冷水庵

山以產石名石宕甲于一郡凡造作大石俱此出有冷水潭深廣不及尋汲之不竭潭上覆屋以憇行人暑月至此汗頓

釋飲之沁齒徹骨冷不可耐旁有小庵山後有五臺寺涉大溪爲環村稍北爲後衝四明山志引樓攻媿詩謂其村爲後衝環邨不知樓詩所云後衝環村儘溯游者乃牽連及之非實指其地也

萬季野竹枝詞

常喜它山冷水菴一泓冰雪地中涵坐來六月渾忘夏不信人間暑氣炎

中潭

在平水之下它山之上潭清徹底魚若行空有上潭卽平水潭下潭卽它山堰潭中潭俗呼鍾家潭以潭上人家多鍾姓故名長樓俯水釣艇繫門令人作濠梁間想

四明談助

卷五

七

徐氏宗祠

在許家橋下西首面溪其先不知所自康熙初詩人志泰其族也

徐文學志泰字遜三又字蕙江家居桓溪少爲李丈杲堂所知遜三多病以屢試不遇怏怏漸劇斯則所見之未達也著有蕙江草鹿亭京兆嘗收其遺詩今失去無足本

續耆舊傳

許家橋

舊爲木橋以通往來今改作圓洞大橋自是鉅鎮氣象西石山脉至此而住舟行進橋一路清流徹底長篙浸水如折舟子逆流推挽寸移而上下瀨船心手敏捷拋擲如梭溪流自西而南爲它山堰往北出橋爲大河爲平洋景象改觀自錫

山分列諸派別詳于後

建輿山

矗立一十五峯狀如列戟有花塔巖龍湫在其下山麓有寶巖寺當時錫山建輿通為一山其地產橘故戶有橘柚之園

山志明志

宋王荆公遊建輿山詩

兩岸青山刻削成一溪回曲篆紋平綠陰隱隱無層數欲去黃鸝又一聲

萬季野竹枝詞

小溪橘柚舊知名未入園林氣已馨象坎梨頭建輿栗一般

佳味此為兄

象坎距建輿不遠

四明談助

卷五

八

童女拽虎尾

童入娜通遠鄉建輿人虎銜其大母女手拽虎尾祈以身代虎為釋其大母銜女以去林栗侍親官其地嘗目睹之已而為守以聞于朝祠祀之

宋史列女傳

寶巖寺

唐元和十二年建名孝義院宋大中祥符六年賜今額有二石塔有松竹亭其錫山二字為宋張卽之書山頂有朝陽洞向有僧禪定其中

四明山志

石潭

在建輿鳳山下潭底皆石坡其水清冽無比大旱不竭南由鳳鳧二山下入光溪後港繞出魚貫橋會大溪北出建輿口

河今已塞潭南近梅陵灘

鳳山

象形有天王寺東北有洞橋昔謂之文洞宋王伯厚記之

明四

志又記伽藍云鳳山院古剎天王寺唐之講堂有超惠泉在

天王寺北按今天王寺在洞橋鳳山自有鳳山寺與洞橋隔

遠山志合而言之誤

寶巖梅

沿山數里皆古梅花時過此寒香滿林竹柏交翠間有殘雪
在樹遠望瑩然舊有亭曰寒碧

宋王荆公詩

風吹洞口雲水動山頭月野老時問人前村多少雪

四明談助

卷五

九

明李原上

裕

自寶巖看梅晚飲聞君新學山舍詩

暮烟生谷口回首失梅花隔水無多路春雲有幾家林居偏
好客巖構善依沙重理新年酌東軒待月華

寒香道人戴范翁寶巖梅花絕句

休恨人攀折其如隱不深若于危嶂植何處野踪尋
晤對惟吾汝昂臧興自賒空山忘歲月藉爾卜韶華
既矢冰霜節應堅邱壑情若攜東閣去斯負北山盟

此蓋為木陳而作以其應召入都也師有慙德于弟矣

續

舊

梅園山

東浙碑材不能得太湖石次之梅園質頗近臆今石孔久閉

佳者亦不易求矣四明山志有梅園寺

藤嶺 高閣山

已載第三卷

九灣

近鳳輿市在林邨水南高閣山落脉處

錫山水正流至祖關入南塘河等橋

始于橫街頭河入戴家宅張家潭等河大勢東北行經資善

橋舊名五港太守戴浩造

五馬橋

六和橋

一名胡家

周學士橋

南達樂社北湖田

傅學官橋

張尚書橋

下傘橋

白鶴橋

洗馬橋

宋

家橋

薦橋

孝庵橋

有張氏香火菴

藕纜橋

遠湖橋

像鑑橋

敬止錄

至祖關入甬水橋

四明談助

卷五

十

黃公林

漢四皓之黃公隱處即古之大里也俗譌為黃姑林聞廟在

城西三十里沈歧滙之南祀漢黃公延祐志云楠按會稽典

錄虞翻云鄞大里黃公潔已暴秦之世杜子美詩云黃綺終

辭漢逸少有高尙想黃綺帖陶詩云黃綺之商山南史阮孝

緒云漢道方盛黃綺無間山林是黃為姓明矣後人誤讀為

夏黃公及為四人施安姓氏自相錯互並棄無取當以右軍

陶杜為証袁正獻之父作甕牖閒評言黃墓舊傳為秦世黃

公又曰黃姑林即黃公林典錄之言當取以為証敬止錄按今

廟貌業已改正額曰漢黃公林廟

楊栖雲範詩

郡志黃公墓鄉談河鼓林名成漢羽翼像設女冠簪老杜十
姨廟小姑千丈岑淫祠多類此誰辨是訛音

萬季野竹枝詞

黃公避世隱江鄉遺廟何年塑女郎却笑英雄安漢鼎須眉
換得美人粧

朱都憲第

在縣西南二十里清塾都御史朱瑄所居

聞志

甬上族望表朱氏都御史瑄忍辱道人金芝諸生鈇三望按
金芝鈇係王家墩朱氏不與清塾同族族望表悞
都御史朱公瑄

字廷璧成化五年進士授工部主事改兵部郎中奉命賑

四明談助

卷五

十一

饑鳳翔稽戶定籍按數以給復貸穀種牛具招流民歸耕
所活數十萬計歷陞右副都御史巡撫南畿以疾請老當
道嘗檄樹綽楔固辭曰費官錢煩民力不忍爲也詳見郡

邑志

桃源戴氏

甬上族望表桃源戴氏知鞏昌府浩福建布政使參議鯨撫
軍都御史鰲殉難工部所正仲謀殉義錦衣爾惠諸生之呂
共六望

知鞏昌府戴公浩

字彥廣號默庵永樂庚子舉于鄉初判東昌遷守鞏昌歲
饑矯發邊儲粟三萬七千餘石以賑民上疏自請罪詔特

原之天亦雨是歲大熟開山道上盜每白晝出闌取客財
公設計殲之天順改元以年近七十循例致仕家居齒長
羣宗立義塾義冢生教死瘞身持篤行以爲宗族法性喜
吟咏善書亦工畫後生四孫俱通顯有名里人稱爲同胞
四進士

教諭戴公櫝

字育之太守浩之子由明經授興化訓導以身爲教廉其
貧者賑之士翕然歸心尋陞連城教諭卽自表免歸詳聞志
族弟栗正統辛酉舉人福安縣知縣勤獻表

知尋甸府戴公鰲

字時鎮號靜山中宏治己未進士出知興化歲大稔公請

四明談助

卷五

十一

粟賑民瘞道孳收遺棄小兒官爲哺養病者與藥田者給
種逋者緩其征荒政爲時所法稍遷刑部出知尋甸府罷
歸有靜山集詳耆舊傳

參議戴南江先生鯨

字時鳴號南江嘉靖癸未進士歷官福建左參議歸老子
家先生持操廉白居家以孝友名垂老好學蒐補成化以
後郡志名曰四明志徵又從芝山楊公所見高士宋宏之
所輯四明雅集因增所未脩序而傳之又合爲四明文獻
錄俱有功學者所著閩廣集東白樓稿俱藏于家詳耆舊傳

副都御史戴公鰲

都御史城居第在普照橋西

字時重號東石正德丁丑進士官刑曹遷四川按察僉事

余賦有戴
中丞集言
面上水利甚
詳錄注

戴工部鰲

州判官續者舊傳

也有東石遺稿八卷詳見者舊傳子士文字質夫以上舍官深

字時化號少山嘉靖乙未進士以水部主事治徐州洪通

四明談助

卷五

十三

商利漕政績章著平生仁孝天至伺父母幾微而左右之
雖暮夜不廢四戴中惟工部早折論者惜之詳聞志

會川莊產芝

明嘉靖二十二年戴氏會川莊產黃芝九莖二十三年又產

黃芝二莖二十四年枯竹生笋已而成林嘉靖志

戴隱君經世

字景畧號蟬隱都御史鰲之曾孫為人誠厚端方為學博
覽醇正詩古文得法于婦翁聞隱鱗龍誨子孫多賢能世

其家法詳聞志

戴工部仲明一作仲謀

逸其字以諸生從魯王起兵授工部營繕所正舟山破與

張公肯堂吳公鍾巒等同時殉難乾隆四十一年 賜諡

節愍族子爾惠官錦衣衛經歷守螺頭門拒戰見殺明殉節諸

臣事跡

戴錦衣爾惠

號少峯副都御史繫之裔孫詳見後詩話并畫像記

句餘土音擬甬上薤露詞

義武軍戴錦衣却聘

大狂生起甬東誰一鼓作氣雄義武將軍戴少峯毀家紓難無所恤胥濤爲之鼓長風 大帥知名下車弓鑿坏遁去土室空文山幕府無列傳遺藁神傷卒伍叢吁嗟乎少峯

四明談助

卷五

十四

詩話戴錦衣爾惠故中丞裔孫錢太保起兵錦衣以布衣倡集義從瀕江十戰晉秩將軍丁亥以後 本朝大帥爲之聘力辭不起山寨諸軍再舉錦衣復出卒以一門殲焉今僅存一孤孫耳高公元若有題少峯小影歌乃其辭召時所作

義武將軍戴少峯畫像記鮑琦亭集外編

既進酒復高歌愁不去奈君何睨我床頭三尺青萍在寶芒竄吼彪立波君不見義武將軍目掣電紫石眉稜反蠟面奮身躍馬靖烟塵穿齧裂皆垂百戰陣雲深處胥濤奔匹夫一怒日星變天心獎亂坤軸傾痛哭歸來年已晏丈夫熱血凍不翔徒爾企脚蝸廬望屋梁整袂馳思凌八極

羊腸折軸川無航北人聞名來相名疊坏滅趾埋聲光貞
心寄在丹青裏初服炫躬何輝煌吁嗟乎何日扶桑旭光
炳朝霞飛麗雲臺影此屈瓠山樵高公斗樞題戴少峯畫
像句也予初讀錢忠介公家傳言忠介倡義時大會城隍
廟有戴少峯者布衣也舉手一麾三四千人皆從之相與
擁忠介赴巡按署遂以舉事故忠介叙倡義情由疏于諸
紳衿外列諸義民而以少峯爲首蓋亦六狂生之亞及讀
高氏此詩乃知少峯以百戰官至將軍殆有勇有才者江
上失守曾膺 新命而不赴然問之戴氏莫有知之者一
日與客語及之則曰其人尚有後嗣在卒伍中可呼而問
之予大喜亟令客挽之以來其日有捧遺像一軸過我者

閱其題字則屈瓠山樵句也予叩其詳則曰先人是軸江
上初歸時所作高氏之詩亦在是時其後山寨大起先人
復出而豫之遂以一門殉焉僅一孫逃得脫吾父也又言
先人善以孤騎突入大營軍士見之辟易莫敢當者然卒
以此死又曰先人殉後家門零落混迹軍籍獨有遺像以
高御史題世寶守之然過從無長者誰爲見之不意今日
得蒙表章是高氏之詩祇得少峯中年事迹而其後卒爲
沙塲之鬼則今日所聞也嗚呼義烏黃文獻公去厓山時
未遠攷索遺聞藉劉義之子已在卒伍况其于三世之後
乎少峯之像蒼顏微須鵠立雙眉蹙不展旁掛一印侍者
挾劍睨之衣硃尚爛然嗚呼此固文山幕府列傳中人也

少峰爲兄弟四進士之後名爾惠

寒香道人

寒香道人戴菴翁軼其名字知尋甸府鰲之後也道人于丙戌棄其諸生于丙申始入道呼其妻若子若女盡薙其髮而遣之男爲僧女爲尼告于先人而削其籍蓋道人自丙戌以後丙申以前固鯨灘蠟背間人物故懼貽宗黨之禍而削其籍諱其名前此莫有能究其顛末者徵之于詩蓋了然可見也道人釋名等慧字爐雪受法于木陳初居太白已而居奉化之九峰最後居寶巖其子元沛相依爲徒有嚙攬寒香竿木等集續耆舊傳續耆舊集錄諸和尚詩引

四明談助

卷五

六

自浮石周氏三先生借徑避世皆披緇而不在披緇之列其餘尚有如周丈頊孫孫丈子遠輩並以有名經生感憤國難逃禪終身而其詩未得最後始見寶巖寒香道人之集非和尚語也而惜乎逸其名乃別錄之

吾鄞自望京門而西十里爲浮石周氏顛和尚醉和尚野和尚所居也自浮石而西又十里爲桃源戴氏卽道人所居也自茲而南又十里爲戚浦王氏宅于曲樹之下不了和尚所居也故國遺民相望在一葦有非佛燈魚鼓所能收拾者非徒桑梓敬恭之思也已予初求道人之名字旣不可得其後讀其集乃知其常號菴翁因以署之傳後論有寶巖梅花詩并詩後論見錫山條下

戴文學之呂 傳未見

又戴氏二望 里第未詳附于後

譙國老人戴安仲字仲莊耿介有氣節里俗治喪多用浮屠

老人獨違衆用小宗法立祠堂以祀其先建文時郡守王

璉薦授本郡訓導秩滿入覲致仕歸自號譙國老人 成化志

戴野橋先生圭字秉誠潛心力學踐履篤實嘗揭諸書屋曰

人中合下渾無我地上元來都是天張文定邦奇見而亟

稱之先生性謹厚言動淵默依冠儼然易簣之日語其子

乾曰大學語孟首章皆是天命之性聖賢之書一轍也又

曰我平日所著書却是有用後來必有知者人稱為野橋

先生著易經大旨四書要畧要說 聞志

四明談助 卷五

布金講寺

在縣西南二十里宋寶元二年建治平二年賜額 延祐志 據寶

慶志圖稱布金院在望春橋西南白龍王廟之右

桂林俞宅

縣西二十里地名桂林吳興俞鼎來鎮浙東子孫卜居于此

聞志 今稱俞家宅其先未詳俞經乾隆壬申舉人義烏教諭著

約園詩集英茶乾隆壬子歲貢檀道光辛巳舉人

槎湖張氏

甬上族望表城南槎湖張氏明以前無顯者兵部尚書諡文

定邦奇兵部尚書時徹光祿少卿子瑄共三望

張東沙芝園集族譜七篇例云夫譜以明作者之意鏡得失

之林非苟文具已矣于是作義例第一親親疏疏本本支支而後人道脩于是作世系第二修短異數窮達異途婚娶異族男女生息異齊瘞埋異地雖百世不可不知也于是作世錄第三述臧否之迹昭勸懲之典哲人貞士受褒美于身後而不以為幸狂夫悍子蒙刺劓于九泉而不以為憾他人想其餘風子孫聞其咳唾雖有愛憎莫能損益于是作世傳第四闔行既修陰教攸章貞節可表黷亂斯化鵲巢柏舟所從來遠矣于是作內傳第五生有封爵死有贈祭以昭潛德以答膚功在家可以勸孝在國可以勸忠斯君子所不廢也于是作特志第六夫譜所以合族章教務遠回僻也隆禮由禮謂之有方之士否乃無方之民故譜之于約其義一也作族

四明談助

卷五

六

約第七

跋槎湖張氏族譜

鮎埼亭集

焦文端公志經籍其譜系家則吾鄉張氏之譜在焉張氏之譜修于東沙尚書有善有惡區別森然蓋譜系中所未見及見戴帥初集富春孫氏譜乃知尚書之例出于孫氏

張處士仲延

一作廻字仲延

字宏靜張氏自宋淳熙間原一公始徙槎湖一傳紳四再傳儒一以至惠一皆失其名以行第傳惠一力穡致富有二子長曰本延與仲氏析舍于西偏是為西張氏仲氏即處士也年十五為郡諸生會世已亂方國珍竊據台溫明三郡諸以策干國珍者咸領職處士獨不出既而明太祖

分兵至明國珍納款諸事國珍者咸遁逃或以法誅處士
獨全其家人以爲有神識云時兵後歲大饑括艸木食乃
盡出其穀粟活人人得活則盡出借券焚之四方逃難之
士日過處士又輒與館粟由是名聞四方有四子是爲東

張氏

之園集
族譜傳

國初槎湖張氏以貲豪里中有寧一者多私怨于人有四
老人摺據僭踰事擊登聞鼓訟于朝廷適高帝不豫皇太
孫監國召四老人問曰爾所奏張氏前後濠河有如我城
濠否擊銅鑼號令里中有如我親軍禁鑼否架違式房屋
有如我殿門高大否皆對曰無之太孫曰南方多火患故
掘濠厭火多虎狼故出入鳴鑼多生男女故多架房屋是

四明談助

卷五

九

足行誅乎抵奏于地逐諸老人

敬止錄

張伯諒童時以背誦大誥三篇至京觀高皇帝殿上人人
諦視之見伯諒方面大耳呼立御床下摩其頂曰好百姓
好百姓相傳以爲異事

敬止錄

張處士矚

行文三忼慨人也好飲酒任俠殉人之急又善鎮壓里閭
每惡少喧闐聞君咳唾無不戢戢走避身長七尺強力使
氣每社中競渡他舟率集健夫爭撓君獨不集健夫第引
丈二大楫坐舟尾舟稍遲則引項伸腰大叫舉楫他舟無
不辟易退却者行遇奔牛卽手持牛角投之于河已而醉
與同輩戲誤傷陳姓者乃盡出其金帛賂陳氏家由是稍

稍落君亦終其身悔恨矣

啞老人

老人無他算畫惟狠猛善鬪而語不可了故呼爲啞老人有女弟婚楊氏時諸楊方貴盛楊氏壻日怙勢攫啄人人呼爲楊大王而啞老人藉其餘波亦攫啄里中人出本行息率收倍徒見米貨豬牛卽牽挽以歸多弗愜卽呼楊氏壻至則從豪奴十數跟踉躑躅執鐵索行曰鎖卽鎖曰撲卽撲人人流汗望之如厲鬼也啞老人日恐喝里中侵侮不休買田積穀富厚矣然百計求子終不得已乃坎埒以老家貲蕩盡至行乞凍餓而死而楊氏壻尋死非命亦零

傳無後

以上供張氏譜

四明談助

卷五

二十

贈吏部侍郎東臯張先生懋

字汝誠風儀修整好讀書坐一小閣每竟日不下諸長老或勸之仕先生終棲遲衡門有老母在堂旦暮問所疾苦滌衣裳進甘旨煦煦如也生平多篤行鄰人盜先生困粟多或以告先生曰吾初無所亡也天旱家人括河魚以歸先生惻然爲擇水深處放之公子舉進士者一人曰時孜仕終萍鄉令孫舉進士者一人曰邦奇任禮部尚書曾孫舉進士者一人曰子瑄任禮部主事

張氏譜參耆舊傳

贈兵部侍郎張公忭

字汝懷號葵軒大司馬時徹之父天性惇慤動循規矩臨取予必損己以裕人卽魚鹽細小稍弗當其直則終日不

憚傭販之徒久乃亦信臧獲有過不加譴責憐則以身率之偶晏起則往來沓沓行戶外倉皇乃起蓋不欲傷人意類如此其尤大者仁孝天至父母有疾若痲瘵在身中夜或聞咳唾聲雖盛寒必攝衣往省之比卒家貧躬負築以葬時有洞雲公者常甫宗伯之父也與之莫逆昕暮相對數數道往古陳鑒戒人稱爲二封君云

張長史懋賢

字汝隆號覃湖父纓以貢爲延平府訓導律已潔課士嚴奔母喪歸里不受賄賂鄉邦稱之公其季子也年三十六舉于鄉又十年而舉進士出守德慶以事上官不阿遂調益府左史公性仁厚祿俸之餘輒以周親族之匱者故遠

四明談助

卷五

五

近無不稱服焉

以上張氏譜

贈吏部侍郎張公時敏

字日新東臯先生子也少承家學通經史百家言居常徵載籍述國家治亂興替事歷歷如指掌身敦至行與人相質物察其色至厭足乃已雖爲人所給勿較嘗書其壁曰人生無欲始高天下爲善最樂里中頌之每雨霽風和良苗懷新散步隴畝之間以自適課其子邦奇成大儒歷贈翰林學士吏部左侍郎卒之日御賜祭葬所著有洞雲稿

行世

張氏譜參
舊傳

張萍鄉時孜

字惟善號岫雲東臯公第三子也舉宏治己未進士令萍

鄉萍鄉故凋邑又孔道雜遯日策馬往來迎送公至獨不以此爲務日坐堂上較簿握筭搜剔奸蠹窮宵旦不休諸政績人頌其賢後以積勞不起萍人祀之于學宮所著岫雲稿藏于家張氏譜孫子實萬歷丙子舉人

兵部尚書東沙張先生時徹

城居第在王家墩

先生字維靜幼時就外傅俱以常見畜之從子文定公年長顧獨奇先生先生師事之遂成名而先生亦年十七爲人師弟子數十曹俱年在先生上二十舉于鄉嘉靖癸未成進士歷官兵部右侍郎時聶公豹爲尚書值楊公繼盛劾相嵩十惡內有子孫冒邊功事下兵部覆聶公謂諸司曰功俱實不虛可具以覆諸司俱曰公今日當爲萬世持

公論未易覆也聶公怫然起先生入謂聶公曰諸司殊藉藉公激之則恐事生禍且復延縉紳公何不說嚴公使自辭軍賞則部曹可無覆卽公論亦得不廢也聶公悟卒如公言時謂公善處事也大將軍仇鸞怙寵焰如火先生獨持不下及鸞死疏訟都御史商公大節寃上怒下詔切責奪俸先生以此名益重居憂會倭犯留都召先生墨衰爲南京兵部尚書到官甫踰月寇突至遣將禦之不克相嵩從中批之遂歸老時年五十五既不爲世用乃益精思著撰爲詩古文詞家有別墅在東臯曰茂嶼草堂在西臯曰武陵莊時引上客共觴咏其間卽單門年少一經品目俱藉以揚聲蓋吾鄉士大夫壇墀于斯極盛自後欲少衰矣

詳甬上
耆舊傳

東沙先生著述書目

老子解一卷 說林二十四卷 急救良方二卷 攝生

衆妙方二卷 東沙史論四卷 善行錄八卷 善行續

錄二卷 寧波府志四十二卷 定海縣志十三卷 槎

湖張氏譜一卷 芝園全集八十五卷 奏議五卷 公

移六卷 勝遊錄二卷 明文範六十八卷 四明風雅

四卷

附吳處士鑽傳

處士字汝震與嘉則先生同起有詩名時東沙張公里居
既起宅月湖之上復營別墅在東西郊每乘輿泛舟兼載

四明談助

卷五

三

絲竹一時名士多從之遊園亭觴咏之盛浙河以東風流
未有然惟處士與嘉則中父先賓父三先生最爲詞家宿

老倪鮑十一賢不能及也

耆舊傳

太保兵部尚書張文定公邦奇

公字常甫號甬川少資性絕人于書無所不讀精思善學
期造爲聖賢年十四卽能著作十七舉明經計偕中宏治
乙丑進士選庶吉士正德初年進檢討時逆瑾擅政朝士
多附其門公居常憤憤力請補外以便迎養出爲湖廣提
學副使未幾竟致仕嘉靖改元再起爲四川福建提學歷
國子祭酒南京吏部侍郎居父憂上嘗奉章聖皇太后過
天壽山謁諸陵言及擇相太后曰先王嘗言提學張邦奇

器識他日必爲太平宰相其人安在上謝曰尚未用也卽不俟公服闋召爲吏部侍郎上每閱公章奏輒稱善以指書公名衣帶間宮監數望見以白公公答曰上用我當以堯舜之道進舍我亦有田可耕此非吾所關心也諸璫爲色沮上慕道于無逸殿改稱永光宮欲令內直大臣簪冠如道家內閣夏公謀之公答曰使我等背聖人不能從也母老久思故鄉今日乞歸有名矣諸公任爲之上聞乃止太后將合葬獻陵上召諸大臣曰朝廷惟張邦奇至孝可授禮部尚書兼都御史以行嚴相嵩久嫉公沮之上嘿然而罷公復以母年踰九十力請改南乃出爲南京兵部尚書會熒惑入南斗留都雷震中夜星殞于江公謂天變異

常宜嚴武備占者曰應在德望重臣次日公不能冠櫛卒年六十有一後閣中擬謚以文恪文敏進上于疏右御書云人謂張邦奇真道學抹去原擬四字大書定字于後贈太子太保詳甬上耆舊傳子子中子瑄傳見後孫應簡萬歷庚子舉人

初文定之學也以人性無不善以聖人必可師居常危坐一榻禠其身納之矩矱王陽明主良知之說謂先行而後能知文定不以爲然一日曾于舟中論辨不已至晡天暝檻墮舟子安檻未定陽明日何不以燭照之文定曰此非知先行後耶陽明嘿然見周文穆識小編爲提學時家居廳事僅二楹旁一楹乃其叔所居叔有宿逋願售因倍價買之將

重構焉告于父父知價之倍也甚悅已忽潛然淚下曰吾
想後日折彼屋以豎我柱其夫婦何以爲情文定惻然曰
兒當還之父曰其價計已償人矣文定曰併價不取可也
父欣然曰若然慰我甚矣見安吉陳良謨見聞紀訓凡舉足發言必覘
父母容色兄早亡終身母事其嫂以兄爲宗子未沾一命
乃以長子子中爲後膺蔭典俾得貤恩兄嫂又念鮮兄弟
請父貳室得兩弟凡俸入所置產皆爲均給其至性孝友
若此聞志

文定公著述書目

易說一卷 書說一卷 詩說一卷 春秋說一卷 中

庸傳一卷 大學傳一卷 釋國語一卷 觀頤錄 昭

四明談助

卷五

五

事錄 觀光樓集十卷 紆玉樓集十卷 環碧堂集十

六卷 養心亭集八卷 靡悔軒集十二卷 四友亭集

二十卷 甬川集

附文定公里居詩三首

雨後過東鄉卽事

盆浦收夜雷老龍仍臥矣雨色生夏寒晨風薄羅綺攜舟
向遠山村居類廛市波恬若鋪席倚篷如隱几濯濯江柳
長森森冢松穉新苗刺平疇麥秀曠盈視樹覆川更幽鳥
呼雲欲起鳧鷺自浮沈岡巒漫推倚憶昨游全荆歲馳千
萬里衡山五方岳洞庭天下水吾鄉此山川大小非倫擬
幽事亦不稀觸目總元理滄溟在東南茫洋大無比有興

欲乘桴誰爲由也喜

鷹逐鷺圖

我觀羣鳥中除却蒼鷹盡凡羽君不見黃金眸白玉距凌
空一下急于雨鷺鷥何不早竄伏到此驚奔向何許憶昔
在林皋翻飛矜羽毛羽毛雖好不中用憑君識取真英豪

題畫

鳩性愛雨花愛晴同倚東風不同情春光二月濃于酒雙
鳩醉寐不復鳴雙鳩不鳴花相語無令鳩醒叫天雨

四明九先生詩序

耆舊集

楊文懿公守陳

楊碧川先生守陞

李堇山先生堂

張文定公邦奇

屠簡肅公僑

王定齋先生應鵬

屠

四明談助

卷五

三

竹溪先生大山

戴東石先生鰲

張東沙先生時徹

傳俱見各居第下

序畧曰嶽有五天下之望也而于其所鎮之地瞻仰益親
詩曰泰山巖巖魯邦所瞻是則先爲其國之望而後爲天
下之望也然尤藉惟嶽降神篤生聖賢名士大夫以表其
國始足重于天下泰山得長羣嶽其推爲宗以有吾夫子
在也觀夫子作歌直以身繫泰山存亡蓋夫子道在萬世
不亡卽泰山爲萬世所瞻仰也其餘名山分列天下各與
所生人物相爲引重吾四明丹山赤水名列第九張衡孫
綽諸人稍往來其間名跡未顯自天寶皇帝送太子賓客
賀知章歸四明先生歸而作四明山註釋客經吾鄉俱曰

賀監舊山川而後四明始名重于天下雖前有孔祐後有謝遺塵俱以高士風格栖跡此山而其文章無所見不足爲茲山之重也及鄞江桃源五先生起慶歷中舒袁四君子起淳熙中其德行道學哀然人師時稱爲四明九先生合薦于一堂以啓來者至成宏之間楊文懿屠簡肅張文定諸公俱上卿宿老身擅斯文余亦稱爲四明九先生合鈔其詩爲一卷以鳴再盛于是吾鄉道德文章蔚然俱起遂若四明亦因而益高斯豈惟浙東所瞻固天下之所共翹企者也詩曰高山仰止惟讀九先生之詩有焉

邵武張長公邦仁

字孺毅大司馬東沙公長子人稱爲張長公少負異才省

四明談助

卷三

七

試三中乙榜由明經授知邵武縣以不能事上官罷歸長公少豪每出游賓客車騎過于司馬公自白下至西陵江南千餘里無不知張長公名氏者其豪可知矣

詳耆舊傳

張少卿邦伊

字孺覺大司馬東沙公子以父任歷官太常寺苑馬少卿司馬公家居每三日必召客諸子率侍酒公詩成諸子與客同步韻次第呈草唯孺覺從遊更多著有京兆詩草弟邦侗字孺愿以太學生官光祿署丞邦岱字孺宗以太學

生官鴻臚序班

詳耆舊傳

張少卿子瑄

字仲玉號石里文定公之子中嘉靖辛丑進士爲禮部郎

歷陞南京光祿少卿謫知滁州稟守三尺矯然不以遷謫

降志著有石里稿詳聞

張知府子中

字伯元文定公子也文定以兄為宗子早卒乃以長子子中為兄後膺蔭典官思州知府所著有醯雞鳴瓠集者舊傳

張解元應完

張解元應完久困場屋年將及艾萬歷丁酉直指觀風試卷為太守所閱府庠取一少年生為首其文實張作為生所熟讀以各庠故直錄之一日張同日謁守守盛獎少年生云今科解元必屬子詞色殊不及張張素長厚不欲暴其事但從旁云龍頭屬老成守見其老作色曰暮氣亦何

四明談助

卷五

五

能為張微哂而出及秋闈榜發張第一及歸謁守守愧甚禮頗謙下張曰昔荷公預以解首見推甚深知已之感守不解所語問故張以實告守呼生問之果然因厚贈以貲為計偕費敬止錄任工部員外郭獻表

張監軍尚變

字世調一字盲隱居槎湖豫于東江之師與楊公瑤仲輩司餉有功晚年雙目皆盲而嘯歌不輟予求其集惜未之得續者舊傳

張都督立中

字躍夫一字即園尚書時徹之後也六歲能咏物丙戌以諸生充督府贊畫累官都督御營總兵時年二十有四事

去隱居槎湖有地曰半畝花址因卜築焉所謂卽園者也
已而遷居城中縱情酒色以卒今卽園後人甚微予求其
停雲堂集不完未足以盡其長也

詳續者
舊傳

張文學機

字向衷文定公元孫自幼閉戶潛修祖業爲老僕中飽而
不覺覺亦不發一言朝夕咿哦僅博一衿會遭兵燹舉家
奔竄母死冒鋒歸葬遂無意于功名設帳武林數十年晚
歸課孫栽花蒔菊著有廣輿捷徑鑑畧吟艸

三補者
舊傳

張靈寶瑤芝

字次英號蓉嶼文定公元孫 國朝順治辛卯科副貢知
靈寶縣爲人謙厚雅飭吏治亦以信惠化人有野眺樓詩

四明談助

卷五

无

州志近隣周岷公斯盛任卽墨令以誼誤歸里晨夕過從

唱和不輟語風雅者多宗之公有長子九林博學能文數

奇不得志以卒

曹志

續耆舊集詩話槎湖張氏三詩人一爲盲隱一爲卽園皆
有汝社之操而盲隱行輩尤尊一爲蓉嶼入仕 新朝蓉
嶼之集至今流傳卽園則希矣然予求之尚得數卷盲隱
則槎湖子弟竟無知者是集有一盲人一爲周長孺皆從
盲後詩益富長孺詩至萬首今尚有完本而盲隱何其不
幸也

槎湖書院

鮎埼亭集記畧有明正嘉之交陽明甘泉之學盛行學者

不走姚江卽向增城其中岸然不阿者泰和羅文莊公高陵呂文簡公浚渠崔文敏公甬川張文定公四人文定爲鄞產尤姚江聲氣之所急嘗苦口折難而卒不肯少變其說故當時鄞人自黃侍郎致齋萬都督鹿園外鮮著錄于姚江者則文定實持之吾觀陽明之學足以振章句訓詁之支離不可謂非救弊之良藥也然而漸遠漸失遂至墮于狂禪而不返無乃徒恃其虛空知覺而寡躬行之定力耶文定以爲學必先知而後行至行愈熟則知愈精原未嘗相離而特不可謂行先于知此其說最平嗚呼吾鄉自宋元以來號爲鄒魯予修舉諸先師故址始于大隱石臺訖于槎湖說者以爲徒然而已豈知當諸先師之謹謹也

四明談助

卷五

三

吾鄉立德立功立言之士出其中者蓋十之九山川之鍾秀隨乎儒苑不可謂函丈之中無權也槎湖歿後吾鄉之講堂漸替而人物亦驟衰然則世之以講學爲迂而無預于實用者弗之思耳槎湖者文定之故居也在鄞之西其去楊文懿公鏡川蓋不十里

萬季野竹枝詞

張家潭水帶長渠萬頃烟波遠屋廬莫道鄉間無俊物此中曾出兩尚書 城西二十里曰張家潭明嘉靖時張文定公邦奇爲南京兵部尚書越十載族父東沙先生時徹繼之並有名于時

林塘菴

唐大歷間建明宏治間重修外設茶亭濟衆 國朝育王寺
僧正慶新建廊樓聞志今稱茶亭菴菴外有橋稱茶亭橋

元僧中峯明本詩

學得閒來便得閒好山好水任盤桓林塘庵外湖山景堪與
杭州一樣看

像鑑橋徐氏

橋在看經寺西有故家徐氏宋節孝先生名積字仲車之後
自山陽遷鄞居于此明代多詩人載于家集 學博恒成化
間歲貢任福建邵武府訓導遷江西金溪縣教諭 本朝州
司馬孟志由拔貢于康熙三年選授曹州同知郡邑志俱不
載見徐氏家乘 文學畹字晨嵐又字秋生承祖父家學工

四明談助

卷五

詩兼長書畫屢踏省門不售專事吟咏歷遊名山大川以昌
其氣嘗寓祖關山菴題詩四壁揮灑自如見者稱羨以為萼
山復生現今閉門養疴著有秋叟詩懷四卷先已刊行 近
方有李家橋徐氏與城中鹹塘滙同族紳士萬暉字秉揚饒
子財好行善事獨修西南兩鄉橋梁二十餘所及東鄉滙水
亭橋一座子世洽字巨川能繼父志鋪修北渡進城路數十
里此事見後三十八卷南塘路下

看經教寺

縣西南十里宋乾德二年建號明福院治平二年賜普照額
明洪武初改今名聞志錫山脉至張潭北行隨放枝爪泐河墩
阜溝漕甚多寺之西為像鑑橋河寺之東為繞湖橋河正脈

由此入城寺頗整飭過橋爲新福廟臨河大樟木二株氣象森嚴

明倪味易詩

暮春行樂欵僧家水繞孤村路轉賒老圃菜香飛野蝶隔籬燕舞落藤花看山在座心偏靜對酒談棋日未斜老去勝游叨此念嘯歌天地惜年華

明盧月漁詩

城南十里寺五月獨來時坐對僧房好蓮花開滿池

大禹王廟

縣西南大禹王廟舊塑女像稱謝女王每年三月三日香市甚盛康熙丁卯汪大令源澤詳請改正事見聞志 錫山脈

四明談助

卷五

經看經寺畝再北行至大禹王廟前轉東至祖關山左起墩阜渡河入城其分水一由大卿橋東經望京橋入西門一由祖關菴前經甬水橋入南門

萬季野竹枝詞

常笑城西謝女王絕無佳勝足徜徉不知何故城中女猶自來游鬪艷妝 城西謝女王廟三月三日士女競遊于此

張氏西郊艸堂

地名張家衝張家潭分支居此

范延平光陽詩

張子天因別業在鄧山書院橋之南所謂西郊艸堂是也予連歲讀書其中同人過從者惟鄭子禹梅論文話舊多

再宿始去今予讀書城中而張子孑然獨處感念疇昔不可復得乃作詩以遺張子

我昔居草堂朋從各來晤鄭子最愛我不厭過從屢侵晨發高談連牽至日暮夜久境寂寥肝腑益復吐常畏燭見跋頗遭童僕怒張子最愛我素心雅無忤前溪覓魚鱗刈蔬及後圃有酒須公等俗客安敢顧感茲意真率來往不知數今我去草堂惻惻無所訴西郊風清曠斯人意獨寤憶昔風雨夕一尊感世故亦或天日佳攜手縱遠步物聚理必散跡疎情轉慕歎息區區心乃爲饑寒悞城闔望草堂蒼茫隔雲霧歸津菴

縣南三里元至正間建名甬水塔院聞志長春門外甬水橋西

四明談助

卷五

五

壽昌寺塔院鋪字者共十九座余工部長宏香燈記云郡城南去甬水橋數步有菴曰歸津蓋壽昌寺塔院也寺肇于宋迨元暨明屢興復焉記載敬止錄

圓明菴

在縣南二里聞志卽古白雲庵或曰僧名圓明者所建故名舊有古銅雲板一片上有圓明菴三字後在本府傳事敬止錄

小桃源

周家岸橋下甬水橋西敬止錄甬水橋內爲南郭詳上卷

四明談助卷三十六

錫山正脉自藤嶺落洋為府治作朝者南北皆有護沙北護沙已詳于上茲詳南護沙一自建輿水北出脈有湖後山石馬塘榭檀廟等跡亦錫山枝脚而楊家境在張家潭西南為錫山正脉分出作護沙再東分至櫟社前厲家山北分至于厚倉馮灣雅渡橋再北分于眠狗山三層樓下止一自建輿水南芝山出脈有鬼叫畷虞家窟石曰山碧溪庵玉堂洞葛仙翁祠碧溪魏氏魏文節山房仲夏橋力施廟仲夏堰張大中樗寮黃枳滙桃浦橋等跡一自石潭出脈起凰山鳧山至葛家灣過河起莊家山東盡于魚貫橋東岸北歷洞橋樓氏竹溪鳧園吳家斗威浦洞仙橋風棚廟小江湖止于櫟社西

四明談助

卷美

岸平楚亭一自鳳山出脉山後有碧溪吳氏小溪古港魏泉使寓安秘書居陸參政第山前有梅林灘陸氏天王寺在澗樓東止魚貫橋東岸北止葛家灣河所有事物詩歌列後

錫山水自建輿分流出櫟社等橋

建輿水出櫟社與它山水會大勢向東北行其上經土橋

周大賓橋一作建輿橋大鼻陸家橋一作三僧橋伏龍夕陽橋

楊官人橋 上張橋 邵蠅螺橋 繼義橋里人真冲桃浦

橋 明行橋 顧家滙橋 千丈鏡橋 太平橋 裡港橋

寶祐橋即櫟社俱見敬止錄

岳官漕

近有云府城脉自岳官漕落者不知此脈至吳龔已中路界

斷水出太平橋而止不能北行入城

湖後山

山坡平坦石馬塘聞氏祖墓在焉山左卽石馬塘又稱聞家岸聞氏聚族而居

聞判官實

公青州益都人宣和辛丑進士以廣德州教授陞明州通判因道梗居鄞卒葬桃源鄉木蓮巖之原

聞志

鄉長者聞子德子聰

子德字克新子聰字克讓益都人叔父實通判明州二子與之偕來因金人梗道卜居鄞之響巖實無嗣以子聰繼焉兄弟孝友仁厚著于鄉鄉人稱爲善人長者元高士聞

四明談助

卷五

元春有桂莊在響巖傳見響巖聞氏下

聞隱君時政

字宗德克新四世孫開慶間自響巖移居石馬塘性嗜學博綜今古修造石馬塘橋首建楹櫺孝子祠韜身以文居鄉以德濟衆以義

聞志

聞徵君德初

德初以字行名青號若愚時政之子屢舉賢良不就隱居教授以德義信重于鄉

聞志

贈刑部尚書聞公璋

字廷實莊簡公淵之祖父可信敦樸善良與物無競時稱長者公世其德賦性坦夷居家孝友雍睦人有貸者慨應

之或逋不償弗責也已而復貸慨然復應里有爭訟率誠
欸譬曉莫不帖然去遇偷兒諭而遣之咸稱篤行君子後
以孫淵貴累贈刑部尚書長子元奎少參澤之父傳見下
仲子元璧字應韶莊簡公父仁孝好施性亢爽儀表魁偉
一出言人輒聽信年僅三十六而卒以子貴贈如其官聞志
贈職方主事聞公元奎

字應明參政澤之父篤于倫理事父母周旋懇至友愛同
產尤篤仲弟早世撫其諸孤有成無異已子與人交敬而
有辨正德辛未貢于鄉訓導江陰久之遷上海教諭所歷
皆以身作範造士實多以子貴贈兵部職方主事聞志成化
間有聞和字致中爲歸德州州判見揚文懿公玉堂洞記

四明談助

卷五

三

太宰聞公淵 聞參政澤 聞刑部源傳俱見月湖居第下
榿榿廟

宋開慶間里人聞時政修建相傳神事寡母至孝母愛食榿
榿手榿以供鄉鄰有親病者乞其果食之皆愈後人思其孝
德立廟于樹所祀之聞志

千丈鏡

建畧水出桃浦橋河道闊而且長稱曰千丈鏡世有楊姓聚
居其水東出櫟社橋北通張潭厚倉諸河

鏡川楊氏

楊氏世家在鏡川之陽小江湖之陰麟鳳洲之上諺稱楊家
隴隴者方言卽洲也宗族繁甚鼎分爲三有東楊西楊中楊

之稱東楊中楊在宋元時世以高貲武斷鄉曲獨西楊之祖
新五朝奉讀書樂善務仁人長者之行傳至輔道浩卿二代
紹而振之故其子姓獨昌楊文懿公集

甬上族望表城南鏡川楊氏明以前無顯者今列禮部尚書
諡文懿守陳 工部尚書諡康簡守隨 吏部尚書守陞

廣西布政使守隅 刑部侍郎茂元 西川按察司茂仁
知廣南府美璜 詩人承鯤 殉難推官文琦兄弟四忠雙烈

高唐州牧德周 布衣秉紘共十一望 又太僕卿美益嘉靖
丁未 副使承閔丙辰 福建按察德政萬歷丁丑

楊再十一君

失其名字吾鄞名族前有史鄭樓豐後有楊陸張屠君即

四明談助

卷三

四

楊氏之始祖也少有詩名至德祐以後自以世為宋臣遂
高隱不出作咏史詩以自見子孫守其訓俱以傳經世其
家所稱鏡川之楊執義不仕者也後七世而為文懿公兄

弟始大顯于世前上考舊傳

楊處士起汶

字浩卿其先世再十一君生德祐之末隱居不仕浩卿生
元末亦不仕以貲甲于鄉洪武中治豪右方嚴浩 自以
族之豪也懼及乃散其家千金避居葑里因作移居詩至
今傳之弟起哲字彥卿亦能詩耆舊傳

栖芸楊先生範

字九疇浩卿子也體長美風儀進止有尺寸生平操行誠

確雖燕居常盛服而坐讀書至丙夜通易詩書三經潛心
聖學視當世毀譽榮辱漠然也晚年造履彌篤所著道統
言行集栖芸稿諸書于詩咏物最多時郡中宿學有洪先
生敬道周先生禮黃先生潤玉諸人先生師事洪氏與贖
庵南山稱執友故其學最爲有本時稱栖芸先生者舊傳本楊文集
懿楊集又云永樂中有巫稱龍神道人禍福如響家趨戶
迎官不能禁先生作文令人讀以諭之弗止躬往見巫捧
其首痛歐之巫匍匐于地灑然以醒時擁巫羅拜者數十
百人皆驚悟散去

倉副使楊梅讀先生自懲

字復之栖芸先生子也性篤孝友能傳其家學宣德中以

四明談助

卷五

五

易應鄉舉罷歸有司強辟爲吏六年上京師再應順天鄉
試不第已巳之變先生痛時事作咏史詩二十章識者謂
過于慟哭以積功補泉州倉庫副使監司知其賢方論薦
會以疾卒先生教二子守陳守耻並爲國名臣歷贈吏部
侍郎取唐人起傍梅花讀周易之句號梅讀學者稱梅讀
先生遺集行世詳舊傳

禮部尚書楊文懿公守陳

公字維新母張太夫人夢大星入懷乃妊及公生天庭有
黑痣七如北斗以景泰辛未進士入翰林五品孝宗出閣
充日講時太子以奉制立聽閣臣請殿下坐講官宜跪講
公執不從文華大訓成進講諸因事開陳冀感上意在侍

俱竦然退語曰楊學士真講官也孝宗卽位閣臣忌公擬
遷南京吏部侍郎上手除南京二字下之次年改元二月
公上勸學聽政疏上溫旨報聞次月卽御經筵午朝後數
年上時召輔臣論政人謂孝宗十八年聖治俱公一疏發
之公在部與三原王公恕左右共持正論爲閣臣所忌公
因屢疏請老且言吏部進退百官衆怨所集尚書恕老成
公忠然且不免于臣何有益爲閣臣發也詔以本官兼詹
事專職史館適金星犯進賢占者謂賢臣當厄公竟卒上
聞訃驚悼贈禮部尚書謚文懿公生平孝友方直喜論著
常以所見立說務求其是不盡從先儒傳注文章力追大
家維風編載公爲洗馬乞假歸里次一驛其丞與公抗坐

四明談助

卷五

卒然問曰公職洗馬日洗幾何公漫曰勤則多洗懶則少
洗忽有一御史乘傳至則公門人也跪而起居此丞乃匍
伏請死罪公笑使去其稚量復如此詳耆舊傳
文懿公著述書目

讀易私抄 書私抄一卷 詩私抄四卷 大學私抄一

卷 中庸私抄 三禮私私 春秋私抄 孝經私抄八

卷 論語私抄十卷 孟子私抄七卷 諸經私抄一百

卷 五經考證

以上每集公自序并何喬新志墓文俱載錢志

晉菴稿一卷 鏡川稿四卷 東觀藁十卷 桂坊稿五
卷 金坡稿五卷 銓部稿一卷

以上後人合爲楊文懿公全集三十卷

附文懿公銀豆謠

景泰朝宮中頗事奢侈嘗以銀豆金錢等物撒地使近侍爭拾爲笑公因作此謠諷之

尚方承詔出九重冶銀作豆驅良工顆顆勻圓奪天巧朱
函進入蓬萊宮御手親將十餘把琅琅亂灑金階下萬顆
珠璣走玉盤一天雨雹敲鴛瓦中宮踞拾多盈袖金璫半
墮羅裳縹羸得天顏一笑懽拜賜歸來坐清晝聞知昨日
六宮中翠娥紅袖承春風黃金作豆親拾得羊車不至愁
烟空別有銀壺薄如葉并刀剪碎盈丹匣也隨銀豆灑金
階滿地春風飛玉蝶君不見民餐木皮和艸根夢想豆食
如八珍官倉有米無銀糴操瓢盡作溝中瘠明主由來愛
一嘆安邦只在恤窮民願將銀豆三千斛活取枯骸百萬
人

四明談助

卷五

七

鏡川建新第自撰上梁文

見文懿公集

對鷗閣

楊文懿公記閣名對鷗成先志也我楊家隴之楊當宋元世
族蕃家盛矣國初以豪右抵京會祖祖相率避地久而故址
陵夷漫莫之省先君子有幹蠱之能營貲植產除故址而屋
之僅十餘楹而堂室庭溜之類亦粗備矣堂北十餘步卽大
川蓋古所謂小江今謂之碧川者故嘗構閣其上飛鷗振鷺
出沒于烟波之間先君子顧而愛之輒誦唐李嘉祐南風不

用蒲葵扇紗帽閒眠對水鷗之句佇立徘徊久不去蓋其志
欲復故閣而對鷗焉未之遂也成化十年余始累礎構楹于
川上而塤飾之戶其南窻其北置竹牀其中而尚以筠簟藤
枕因取先君子所誦之句而扁之曰對鷗之閣余時與賓客
游且息焉闢戶則青琅拂天碎金鋪地珮環竽籟之聲泠泠
然間作不已啓牕則鏡光耀日縠紋弄風白鳥浮游忽散作
飄雪掠雲外去腴田茂林一綠千里在四時皆足以娛耳目
而于夏尤宜蓋炎赫蘊隆之際水竹引風就之而汗止居之
而神清葵蒲之扇誠無所用之對鷗而眠不知五侯爲何物
誠足樂也使九原有知其不神遊于此乎雖然先君子德量
淵宏才猷敏達常慨然有兼善天下之志迺連蹇困頓鄉三

試而不錄國一命而遽終瑣瑣一閣志猶弗遂而况恢恢乎
兼善者哉余小子今幸成其瑣瑣者矣而恢恢者猶未之成
愧可知也其或有時乎不媿即告我後之人毋若余之愧而
遺其恢恢者亦毋不若余之愧而墜其瑣瑣者用識之壁間
北地李東陽從文懿公官翰林獲觀公所自爲記又從其
弟府丞維貞編修維立及其子員外志仁問茲閣始末爲
作賦并序詳載錢志

楊太孺人壽誕

文懿公記畧成化五年吾母太孺人壽七十秋八月十有六
日其誕辰也先期六日辛酉鄉鄰預持慶禮至太孺人以病
新瘥未克見命燕之壬戌至甲子東西鄉泊城中之親友至

皆燕之猶未克見乙丑衛侯以寮屬至始克見而燕之丙寅
女賓至見未及燕而鄉宦至藩臬暨隣邑之使踵至皆見而
燕之丁卯昧爽太孺人盛服堂坐家衆捧觴上壽如儀既而
宗族至見未燕他郡邑士夫泊吾土守令以僚屬至皆見而
燕之戊辰燕女賓已巳燕宗族庚午燕家衆辛未犒百執事
有差蓋十有一日而禮方畢世重慶誕之禮雅矣自余官京
師仰太孺人之誕未克慶今秋天淫雨仲叔父病幸而嗟太
孺人繼之日彌留殆弗可慶夫人子慶誕不可以一歲闕而
余以婪仕踰十稔欲一慶誕而屢不遂蓋天降之罰不可追
也幸而辛酉之朝太孺人少間雨亦霽自此遂慶而十日之
內畫舸溢于川雕鞍文輿隘于途冠紱切于堂珠翠填于室
牲酒充于庭文軸炫熿于四壁笙歌之聲喧騰于林野邇屬
目遐傾耳無不嘖嘖稱歎以爲太孺人榮而丁卯之日適鄉
人爲競渡之戲余燕守方闌餞于畫舫羣龍舟先後鉦鼓霆
訇觀者堵列泐至櫟社始別守以歸樂甚醉劇蓋十稔之鬱
悶兩月之沈憂豁然矣是慶也平時特一恒禮耳在今則爲
奇逢爲盛事爲莫大之幸者不肖奚爲而得之實聖主大造
之成也先公餘慶之被也太孺人孝慈貞淑之徵而眉壽無
疆之兆也謹識

兄弟對掌詞林

宏治初鏡川楊公守陳以少詹事視院篆碧川楊公守陞以
侍讀掌南京翰林縉紳相語以爲兄弟對掌南北詞林近世

所未有碧川有詩曰天風吹斷鴈鴻行霄漢平分兩玉堂小
弟初懷南署印大兄又縮北門章纍纍不是權家客奕奕同
依帝德光仰止前修稱二趙絲綸對掌並流芳

兩湖
塵談

野叟獻詩

楊文懿公之先未有登仕籍者至公與兩弟相繼發解父子
兄弟同朝者七人有野叟作詩獻公云昔年曾向此中過門
巷幽栖長薜蘿令祖先生方振鐸賢孫學士未登科將軍曹
氏墳連壠賣酒王婆店隔河今日重看新第宅烟波緩棹聽
絃歌公嗟歎不已謂叟曰君之詩誠吾家傳也當珍藏以遺
後人遂以厚幣酬叟固辭而去

湧幢
小品

余別駕北窻瑣語言是

時楊氏子弟恃勢作傲接人多忽畧有老儒李姓者作詩題

四明談助

卷五

十

於壁間以諷之傳聞互異

楊守陳爲學士弟守陟從弟守隅守隨子茂元茂仁皆相繼
登進士同宦於京好事者作春聯以侈之云半壁宮花春宴
罷滿牀牙笏早朝回一時之盛江浙文獻之家鮮能匹焉

西園

雜記

里中花木連理

初楊氏里中花木往往有連理雙瓣者里人竊異之不知其
何祥也既而碧川公與兄守陳皆舉鄉試第一皆甲科高等
官詞林對掌兩京學士位並少宰方知其兆按公家乘三世
大父栖芸先生範贈吏部右侍郎生三子長自懲贈吏部侍
郎生子二守陳禮部尚書諡文懿守陟太子少保吏部尚書

次自愈贈大理寺卿子守隨太子少保工部尚書諡康簡少
自忝贈兵部員外郎子守隅廣西布政使文懿公二子茂元
刑部右侍郎茂仁四川按察使而碧川公壻陸偁進士按察
副使三外孫長鈞進士副都御史次銓進士廣東布政使少
鈇一甲第二山東按察副使次壻李堂進士工部侍郎蓋公
少傳文懿之學一門次授七業俱成並為國家名臣及陸氏
諸外孫俱經指授能世外大父科名蓋東南文獻于斯為極

盛矣

音舊集碧川傳後論

刑部侍郎麟洲楊公茂元

字志仁文懿公長子生而穎異能視烈日久不眩書過目
輒不忘登成化己未進士授刑部主事抗法不阿同曹主

四明談助

卷五

十一

事楊仕偉以事忤巨璫汪直坐受賄徵其贓仕偉廉不能
輸羣僚莫敢顧公獨為代輸且手署曰刑部主事楊茂元
俸銀十兩直見之詫曰此人好膽氣仕偉遂得白出慮江
南囚多釋冤獄後曹錄其論奏為式由郎中遷湖廣副使
宏治五年改山東適河決張秋公乃陳三疏合上其一言
天下事任專則功成官多則民擾今河決張秋事誠至急
皇上既命御史劉大夏來治復遣太監李興總兵平江伯
陳銳同治之以張秋方掌地而三大臣羣聚于此費用萬
億此可寒心乞朝廷將太監總兵取回獨用大夏自可責
以成功且水陰象也欲消其變宜嚴宮禁重邊防庶使地
變可消後又陳治河諸策乞命朝廷會議其二言近聞明

旨訪求天下畫工赴京供奉乞皇上收渙汗于旣頽則天下幸甚其三言山東連年旱澇相仍差科繁重近又差都知監右監丞李全前來鎮守不知此鎮守復理何事乞皇上將李全取回以甦民困三事前後數千言后家憤甚與鏡亦指疏中語爲妖言詔遣錦衣百戶胡節檻繫如京所至民遮路哭節至馬行不前及陛見公挺身跪不伏上大怒命繫錦衣獄而胡節獨入與諸中官泣白公寃且具言遞道狀中官俱心動爲之解上亦察其忠謫同知長沙其後河治一如公所策論者謂公三事疏與文懿講學聽政疏義相表裡而剴切過之若公可謂不負君父者也公在官數以疾乞身不許歷遷南刑部侍郎卒于官所著有麟

四明談助

卷五

十一

洲稿詳音舊傳

按察使鳳洲楊公茂仁

字志道文懿公仲子成化丁未進士初六歲入小學日誦數百言客有指銅圓爐令作破題者輒應曰範金以爲體燃火以爲用其捷悟不凡如此宏治中終四川按察使公生平剛介特立當官守職表樹卓然能詩有鳳洲遺稿聞志知廣西府楊公美璜

字以和刑部侍郎茂元子也以文懿公恩蔭補國子生文懿公家法最醇其教子孫以正學未嘗因貴盛墜其家風初任右軍都督府都事尋改南京遷中軍都督府經歷正德己卯寧藩倡亂武宗南下車駕至南京其時江彬勢張

甚扈從諸臣皆聽指麾南中諸寮迎奉尤惕息一日夜漏將丙彬忽傳宣從中府取京城門鑰不知其何所爲也以祖宗定制不許夜啓却之彬怒再遣人以危詞恐嚇公拒之益厲及晨彬詐傳旨逮之下獄南樞臣喬宇盛氣責公意欲公引罪而請之彬公抗詞不屈其時行在大臣雖心重公顧畏彬莫敢奏者及北還釋之彬誅世宗聞公事嘉歎遷工部虞衡郎出爲廣南廣西二府知府皆有惠政夫以大節如公得爲重臣豈非坐談而落淮南之膽者世宗旣知之矣而仍聽其浮沈夷微以老不亦棄才如草芥乎是事得之半湖陳公日錄以正諸家之謬鮑崎亭集外編子承立以祖蔭歷官桂林府通判聞志

四明談助

卷五

按察使楊公德政

字叔向號楚亭侍郎茂元之曾孫少有文名中萬歷丁丑進士官翰林院編修以見忤于時補外歷官福建按察使所著夢鹿軒藁耆舊傳有別業在城北東林庵側曰禱園不久歸于李御史遵改名來誰聞志

楊公子秉惺

字僧朗按察使德政子也林國博祚隆爲按察壻故僧朗與林氏兄弟倡和最多續傳秉恂字元度亦德政子

大司空楊公守隨 冢宰楊公守陟 楊沔陽茂清 楊太

僕美益 楊桓溪承鯤 楊尚寶德周 天多老人楊秉紘

殉難推官楊文琦 職方文琮 御史文瓚 都事文球

上傳詳城居各第下

布政使楊公守隅

字維德栖芸先生範之孫贈兵部員外郎自恣之子成化甲辰進士歷官江西左參政時逆瑾弄權流毒縉紳有誣人不法事罪應籍沒公獨廉其誣瑾怒先後罰米四百石遂奪職以歸瑾誅詔起原職陞廣西布政使乞歸得請

志子茂端有隱德

曹志

楊副使承閔

字

嘉靖丙辰進士歷官廣東雷州府知府

鄭獻表

楊處士家讓

字元禮號承川生而樸茂孝友由中父日葵公有疾處士

四明談助

卷五

十四

親嘗湯藥衣不解帶者累月長篤學嗜古淹貫經史會遭兵燹絕意進取隱居光溪足跡不履城邑惟以課農教子為事性爽直無係戀嘗買吳中婦為妾婦向有一子因亂離相失後尋至子母悲號處士即遣還之且厚有所贈鄉人至今稱之

三補者舊傳

楊氏同族 守隲宏治庚戌貢士訓導 茂亨成化丁酉

舉人 茂允嘉靖壬寅貢士學正 美冕正德丙子舉人

知州 雲燦 國朝乾隆癸卯舉人

萬季野鄞西竹枝詞

人物楊家稱最奇一門諸老出同時村前流水澄千丈想見羣公冰雪姿

厲家山

楊家隴之東踰河卽櫪社其北爲厲家山有厲半州墓

厲氏巖竹呈異

鄞民厲家甚富號厲半州別軒前立玲瓏怪石隔牆植竹笋穿巖隙中成竿主人深喜天成其趣忽爲人扳折近根處僕地侍童驚報主母主母命復接以土培之不敢聞于主人旬日仍活解籜散枝葉主母方言其故咸以爲祥異無何以方國珍黨籍沒家產充軍嘉靖志今田畝中有一井疊石砌成作五瓣梅花樣土人稱梅花井猶是厲氏舊物

厚倉

俗稱後倉相傳卽厲半州之倉基有王姓聚居王姓之祖道

四明談助

卷五

十五

亨字嘉會明洪武二十九年恩貢生自城西大卿橋徙居于此其父堯夫字天如號津園有燕山堂稿行世善書法城西王氏譜至今族尚繁衍其詳未考近有同族啓秀嘉慶丁卯舉人啓心同榜副車

馮灣古井 縣西十五里又名八角井

明胡庚詩

銀牀字勒宋朝年源自它山湧冽泉八角有形攢碧甃一泓無底浸青天陰藏威鳳梧桐老影動蟠龍薜荔縣聞說厲家多好事也須投轄重名賢

雅渡橋舒氏

石磧雅渡橋北有舒氏一族係宋舒中丞亶之後見鮎埼亭

集瀨堂記其族至今尚盛乾隆己亥舉人舒懷官江都令其
後人遷于杭州

眠狗山

在甬水橋南平洋中突起一山融結天然南湖余氏封塋在
此

三層樓

與祖關斜對余文敏公建敬止錄錫山脉第一重護沙盡于此
水出小夏家橋

芝山

與仙隱山相通嘗產芝故名有楊文懿守陳墓聞志亦自石潭
出脉渡李洪港河起芝山爲正脉第二重護沙

四明談助

卷五

六

鬼叫畝

在石潭之東地近翁姚有大畝稱曰鬼叫坂周圍十里無人
烟河港不通田者以長溝接水倘有風雨驟至猝無可避坂
中特構一亭以憇行人其胙至獨眼成順橋會一大局外有
黃枳滙吳家斗兩沙交抱作關鎖坂中水大半出仲夏橋之
東

虞家窟 在湖後山前至今虞姓聚居

虞孝子謹字靜之少有至性就外傳讀詩至明發不寐有懷
二人淚津津下楊文懿守陳見而拍其首曰篤孝兒成化中
兄謙之以富民籍徙安定亡歸有司逮捕甚急父憐兄老命
謹代之卽慨然赴安定就役文懿爲之請得免歸旣而父病

痢醫禱備至夜則稽顙北斗求代顙爲墳赤及卒水漿不入
口三日面黑如囚喪竟懸像進食如生母病逝如其父有白
鸚鵡來巢寢室馴若依人聞哭聲亦鳴鳴里黨咸異之

嘉靖志

天花里 虞陸虞玖

虞德全隱居好善家在縣西南四十里正統元年五月六日
日午天忽雨花飛滿庭中其形若米其色如玉積深尺餘七
日始化正統四年英宗北狩徵發驛騷又邑中大饑其子陸
及玖各輸粟二千石助賑有司以聞詔賜勅二道爲義門時
郡守鄭公珞親詣其間乃名其鄉爲天花里復作詩以貽之

李志

石臼山 仙隱山

四明談助

卷五

七

二山相連山坡有石圓而薄濶可二丈中有穴似臼相傳葛
僊翁煉丹之所旁有二足跡謂之僊跡有仙翁祠此石臼仙
隱之得名也山下溪潭深迴有巨魚見則必作陰雨四明志又
云其地唐置光溪鎮不知光溪鎮在今之鄞江橋懸磁與此
隔遠袁清容小溪巡檢司記特牽連及之非專指石臼山也
玉堂洞

仙隱山有石洞寬二丈許楊文懿公守陳歸自玉堂嘗燕子
此鄉人請名曰玉堂洞公因爲之記

成化己丑二月旣望余訪舊建輿還至芝山宿歸德州判聞
和致中家厥明歸德弟箎國雍招飲余亟欲遊仙隱山不暇
往國雍乃攜具率子弟以從舟行李洪港數里泊山下問宋

魏文節公碧溪菴故址不能識乃登葛仙翁祠祠弊陋不可
席遂東陟岡有巨石寬二丈許可席四望溪山林野之秀心
目廓然聞其旁有石曰山山坡有石圓扁而中虛似曰世傳
仙翁煉丹之器旁有雙足跡俗稱仙翁所遺余欲往觀問之
蔣松者指西北一小山曰在彼蒼翠深處路頗遠不能往欲
席石上酌或曰東有洞尤可席遂踰澗下翠微以至僕夫折
松枝掃沙礫席焉洞寬丈許宛然一石室世傳文節所鑿其
麓左蓮花池鞠爲稻畦久矣右靈鰻潭嘗禱雨應焉洞中石
罅生鳳尾艸翠碧粲粲可愛外則溪光野色畢效于前禽嚶
花馡光溢耳鼻尤可樂酒數行隔溪一叟呼渡急莫之應也
適風吹舟著其岸以渡衆顧而大噱叟至捧酒茗果肴以獻

歸德命仲子彈箏季子吹洞簫數曲酣樂甚國雍曰茲洞自
文節逝寂寥三百年矣今公歸自玉堂復于此乎燕洞亦有
中興之運乎請名是洞曰玉堂之洞以輝于遐久衆謹曰然
已而撤席顧洞前乏嘉蔭乃樹之四松以去嗟乎洞固有因
人以彰者三遊以樂天以宏中而余非其人也姑識之

玉堂洞古跡問之里人俱不知所在嘉慶庚辰冬寓在澗
樓尋得其處洞中鳳尾草尚多石碑面南建于宏治五年
蓋是時公子茂元爲湖廣參政丁艱歸里備述緣由書以
上石年月記于碑尾

葛仙翁祠

萬季野竹枝詞

葛翁廟前水不渾葛翁廟下虎皆馴仙人不管人間事何意
栖栖戀一村 西南鄉有葛翁廟虎入其境便不傷人

葛仙翁名洪字稚川高密人嘗隱于此又嘗居靈峯煉丹
丹井猶存又止于翁山修煉山遂以翁名

碧溪魏氏

甬上族望表丞相文節公杞自焦山來孝宗時重臣也一望
宋魏文節公山房 在石臼山今僅存碧溪庵

碧溪菴記

鮎埼亭集

四明東洞天七十峰之水其自樟村而下曰桓溪卽所謂大
溪者也桓溪而下曰光溪卽所謂小溪者也光溪之支其自
石臼山而下曰碧溪石臼山前空靈蕭瑟南接仗錫千峯之

四明談助

卷五

九

秀西度建輿一帶其水清越無際流覽之餘渺然有遺世之
想是爲宋丞相魏文節公之居文節本家焦山以受經於趙
公芘民

臨敦

來鄞定居溪上既退休東閣之客最多若張武子

王季彞之雅葛天民之怪柴張甫之俠無所不集溪上風流
于斯爲盛其園亭之勝十有八曰夢菴曰勤齋曰妙用寮曰
玉照池曰山房曰喜老堂曰禪窟曰宴默居曰隱仙巖曰月
林曰碧溪菴曰泉香堂曰駐屐曰積翠屏曰霞外觀曰澄漪
曰醉宜徑曰聽松樓當時酬唱極多至今如史直翁鄮峯集
中尚有存者又有野菴分咏詩卷人代累更志乘脫落徵文
徵獻漸以無稽間執田夫野老問以十八景故址莫能知其
一二獨碧溪菴尚存數椽菴僧出迎叩其誰氏之遺亦不知

也嗚呼是亦掌故之羞也已議改是菴之前楹爲文節祠仍以僧守之使魏氏之子孫歲來致祭且薄爲置田以贍其祀雖鄭公之宅不存是亦五畝之遺也

右僕射魏文節公杞

字南夫自焦山徙居于鄞紹興十二年進士歷爲縣令遷宗正少卿湯思退建和議命公爲金通問使孝宗面諭陛辭奏曰臣將旨出關其敢不勉若萬一不厭願速加兵帝善之行次盱眙金大將求觀國書公曰書御封也見主當庭授至燕見金主具言天子神聖才傑奮起人人有敵愾意北朝用兵能保必勝乎和則兩國享其福戰則將士蒙其利昔人論之甚悉金主注聽拱棟館伴張恭愈以國書

稱大宋脅去大字公拒之卒正國體損歲幣五萬北還帝慰藉甚渥由庶官一歲至相位乾道中拜右僕射致政歸隱居小溪絕口不言時政卒謚文節有山房集三十卷

宋史

袁絜齋

燹

山房集序畧

丞相壽春魏公以詩名聞天下清雄贍逸而歸于義埋之正其發有源故流不竭蓋公嘗使北矣冒不測之險戈戟滿前不少撓屈卒定敵國之禮相我阜陵中外寧一其薨且葬也故相陳新公作詩挽之有讜論見排奸之句則知當時邪佞小人見阻于公者不少正直如是詩律之嚴可推而知也

句餘土音賦小江湖故蹟

魏丞相山房

在仲夏

句餘多公相文節最清修晚卜稚川宅閒看碧玉流風裁
傳漠野心事付滄洲爲過舊蘭若池臺不可求

宋乾道七年丞相魏公杞出守姑蘓請僧可觀主北禪院
入院之辰適值重九指座云胸中一寸灰已冷頭上千莖
雪未消老步只宜平地去不知何事又登高魏公擊節不
已吁使老而貪得升高歷險而不知戒其聞是詩也亦有

所悚動于中乎

蓉塘詩話

張雪窻隱居

小溪山中張武子晚居之所與魏文節日從酬唱

聞志

監庫張雪窻良臣字武子襄邑人家于四明篤學好古擢隆

四明談助

卷五

五

興進士第官止監左藏庫輒罷歸從魏南夫史直翁二公遊
二公薦士如林雪窻獨芒屨藤杖日與高僧逸人往來蓮社
間不以名宦爲意閉門讀書終日凝然性雖嗜詩未嘗輕作
或終歲無一語故所作必絕人江南詩家共推爲過江詩祖

甬上耆舊傳

通村老子

魏文節居碧溪菴山中之客相與觴咏者惟張雪窻良臣與
安通村昭祖樓攻媿撰墓志曰君以世襲衣冠未有以文發
身者朝暮激昂期紹先志蹉跎至五十始慨然曰科舉之不
效命也遂一意于性命之學舍後築圃中闢一徑自號通邨
老子好爲古文尤工于詩平淡敷腴不爲艱深之詞有文集

二十卷名通村遺稿丞相魏公退處碧溪山中之客惟雪窻
張武子與君從容觴咏如裴廸之在輞川也

仲夏橋

古有大橋徑趨小溪宣和中斷之以防寇往來者病之紹興
八年通判舒國佐重建鎮官游彥忠成之經始于十四年之
八月落成于次年仲夏故名曹志大司空楊守隨南冢宰楊守
趾墓俱在仲夏里芝山之陽聞志

碧溪亭井

在仲夏橋側聞志有亭覆其上以憇行人亭後望見鬼叫畷

仲夏堰

唐大和元年刺史于季友于四明山下開鑿河渠引山水流

四明談助

卷五

入諸港置堰蓄之溉田數千頃後因別置它山堰疏而為河
此廢不用聞志王伯厚七觀云觀乎西南堰曰仲夏頃凡數千
雨我多稼築者季友惠以厚下

前此它山之未有堰也江潮深入內地長春門外兩岸五十
餘里之田俱不可耕而望京門外之田賴廣德湖以得振然
猶恐桓溪前後港之水西向撞擊此仲夏堰所以為二水之
界也鮑琦亭外集

張大中樗寮

張學士即之樞密孝伯之子于湖先生孝祥之姪有別墅在
仲夏名曰樗寮傳見西山隱學張氏下
句餘土音張大中樗寮

黨禍方興日于湖噤有勞苦心在薇省餘烈付樗寮習以潔
成癖書因放見嘲死生有高義不獨羨林皋

于湖在政府調停黨禁之功不淺樗寮不負王惟忠亦義士無忝其父

力施廟

相傳漢陳勝于唐貞觀間嘗陰兵捍衛鄉土故稱力施聞門志
前有柏樹一株盤曲異常類于育王古松

仲夏李

萬季野竹枝詞

最愛山頭果實丹未經照眼口先饒不如仲夏移家去臥向

林邊手自探仲夏產桃李

勾餘土音小江湖土物仲夏李

四明談助 卷五

中州萬柯條生來仲夏堰霜柑遙相望交枝互媚便建輿多柑

黃枳滙

芝山脉東行盡于桃浦橋東行轉北盡于黃枳滙

桃浦橋

相傳浦有桃樹大廿圍陰蓋里許凡塔井俱以桃名至今根
株不朽云曹志建輿水出桃浦橋與小溪後港水會于千丈鏡

桃浦菴

西南四十里桃浦橋西有塔高五丈餘始自宋宣和年建以
鎮地元至正間僧善遇因塔建菴敬止錄

凰山 鳧山

錫山脉第三重護沙自石潭束峽起凰山凰山多石東行伏

斷起鳧山河隨山行山盡有廟訛稱湖山山脉渡葛家灣河起莊家山

莊家山

過仲夏橋起一方阜如山相傳魏文節公葬于是石坊雙柱尚存山南直出卽洞橋山西爲葛家灣舊志謂魏杞墓在溪口山

葛家灣葛氏

葛氏自高尚宅分居于此在石白山溪南有副使葛仁美第石鼓尚存傳見高尚宅下

洞橋樓氏

城南畫錦坊之分支世事耕讀居舍修整門臨大溪舟過者

四明談助

卷五

五

無不稱羨樓偉樓東居光溪見沈嘉則光溪詩注偉天順己卯舉人東成化乙未進士見薛千仞鄞獻表 洞橋山水勝處居民不下千戶士族甚少惟樓文學德種與近隣許明經名亭能培植子弟讀書于鄉黨上好行善事嘉慶二十年間修造洞橋爲首事二人之力居多名亭名維三道光五年歲貢

蕪湖吳氏

古小江湖之浦曰蕪湖有吳姓聚族而居亦稱吳家斗甬上族望表吳氏福建布政使福知常州府桓太常寺卿惠光祿寺卿禮嘉四望

太常惠居江北岸光祿禮嘉居五鄉或係分支散處今

列二傳于各新第下

吳布政福

字好德建文二年進士授禮科給事中奉使琉球還預修
永樂大典歷陞陝西右參政漢中牛山逋民匿其中公遣
吏作樵夫懷榜抵其巢諭以禍福渠魁皆曰吳公長者必
不欺我復業者三千餘人陞福建右布政使以年耄乞歸

詳成
化志

吳處士江

字志浩號柏庵其先自姑蘓徙鄞之東郭祖某徙蕪湖蕪
湖者古小江湖之浦去鏡水纔里許地甚幽勝而其宅有
水竹花石之美君孝其親友其伯兄又喜延當世大夫賢

四明談助

卷五

五

士所居堂曰治水軒曰春意名流皆爲之賦詠聯爲二大
卷間爲盜攜去盜所攜他物甚夥一不問獨慨惜二卷甚
他日盜以歸之喜謂人曰偷兒殊可嘉吾得吾寶玉大弓
矣宣德中饑甚里中不能輸糧者代之輸正統中復饑助
官賑貸而私貸于鄉者無虛日償不償不計也嘗夜舟見
人狂走于道若爲厲所惑者君急艤舟救之舟人諫不聽
窮追數里及焉其人已濱死載以返藥而活之居數日方
愈稽顙而去君貌偉岸與人言是是非非無所苟自少涉
獵藝文老猶不倦以貲徙籍京邑晚年仲子桓代之歸數

年卒

楊文懿
公集

吳常州桓

字廷用父江正統間以聞右徙實京師公侍父行中景泰
癸酉順天鄉試選汀州府通判嘗攝府事剖決若流庭無
滯訟進常州府知府致仕詔有司禮之歸三年卒子照宏
治己酉舉人廬州府霍山縣知縣季子杰嘉靖癸卯貢士
宿松縣學訓導俱以淳德稱

詳嘉靖志

吳處士浩

字惟直呂中甫山人所稱同里論詩首舉惟直而其集失

傳

考舊傳

吳家斗

侍郎楊茂元墓在仲夏吳家斗之陽

聞志

隔岸爲黃枳澗吳家

斗自南過北黃枳澗自北過南溪流廻折出千丈鏡

四明談助

卷五

吳

竹溪鳧園

吳家斗有支港出烏黠橋卽爲沙港俗稱小溪水由洞橋出
沙港口爲前港由仲夏出千丈鏡爲後港有忍辱道人朱金
芝別業在沙港之竹溪曰鳧園傳見五岳軒朱氏下

鳧園在小溪洞橋東南淮安同知澹菴公

基昌

攜琴鶴歸子漢

生

金芝

欲承二大人歡卜葬于此園不甚廣而異致天然四時

遊人不絕中藏古書畫內外皆名公題咏漢生有鳧園記竹

溪記之刻

朱氏守譜獻臣記

忍辱道人鳧園詩序乙丑夏買屋竹溪之上去城五十里而
近偕老樹壽藤于斷墳古岸間柳浪梅紋幽翠欲染竹溪水
出雙韭爲郡中第一僕得坐而有之潑茶煮藥漱石洗耳日

費清泉斛許宛在彼中有月可捉有鷗可狎浮家泛宅鳧耶非耶作鳧園詩詩未錄

謝山書鳧園集後

先生與董樞部若思爲姻家樞部殉難先生行遜可稱雙節予曾見先生于丙戌寄樞部書其畧曰弟自去夏五月盡賓主相失流離困頓藏匿湖海越月抵京遭亂去髮無顏東返遂滯白門旣而隔絕欲歸不得一腔忠憤未免危言危行幾爲邏者所中不死于兵幾死于法不死于法幾死于病不死于病又幾死于盜賊此近狀也側聞先生仗義執言忠烈有加真吾友矣但新法無厭將來羅織或未可知賢者避地不特入山而已輕裝出門况亦尚有機會弟之勸駕别具深意

四明談助

卷五

七

也先生此書似逆知有五君子之禍者其時先生方往來英霍諸寨間意欲樞部同就之書至未幾而樞部死先生亦自客歸則前者樞部之所爲先生又身蹈之以致刊章名捕幸而得脫自此長往不返矣

戚浦王氏

地名曲樹下

不了和尚前巢令王應玘字剡公生明之季性忠孝贖直薄遊京口己亥同里張尚書軍至杖策從之知巢縣七日遂從出海尚書死慟哭入山爲僧師事天童哲公釋名等月字印千已而擲其衣鉢歸築粟夥獨居中奉先人旁列圖史獨不及藏經語錄日訪求異書纂錄無暇晷入夜一燈熒然光射水際聞彈琴弄笛度一曲以朋友爲性命始難于合合則終

身不舍晚年食肉人呼爲不了和尚答曰汝亦知先生正以
不了了之乎康熙癸巳八月歿于天童年八十遺命葬祖墓

旁詳續考
舊傳

洞仙橋

楊文懿公詩并序

洞仙橋俗名王將橋吾宗盛時兩岸第宅如雲列肆華麗
觴豆映花簫管鳴月真若洞仙之境予少時猶及見其萬
一今盡蕭索可歎也

花竹滿龍洲虹梁跨碧流玉泉思老氏金磬憶王侯雨漲西
江濶天涵北渡秋登臨思無限回首舊風流

新風棚廟

四明談助

卷五

五

風棚廟在北渡南祀宋熙寧間邑令虞大寧訛爲風伯廟康
熙二十六年知府李煦通詳改正又有新風棚廟在楊家壩
錢廟基在水中突起一洲如浮螺然人稱田螺廟建畧水從
廟右分入大河遠出櫟社

小江湖

在縣南三十五里唐貞觀十年鄮令王君照修治漑田八百
餘頃太和令王元暉復濬焉聞王伯厚七觀云言觀乎南

湖曰小江漑田置堰元暉氏王蘭鞠無絕如古桐鄉宋注漢

桐鄉合有惠政
及卒民爲立祠

袁清容謂今千丈鏡河之惠光塔院舊名小江塔院則小江
湖自它山堰直至鏡川皆其地蓋元暉所置也而城中之湖

特以其東有小江里因亦誤稱為小江湖其說近之結崎亭外集

楊鏡川守小江湖詠

小江三十里一碧湛清空源出丹山表波浮綠野中七鄉均

引漑雙硤並疏通烏金積瀆二硤忽變桑田後誰知王令功

湖廢亦已久遺踪人未忘青林連北岸北有青林里甬水漫南鄉

櫟社烟雲秀芝山雨露香在東此中當舊日萬頃綠茫洋

光溪一雨過新水漫湖波遠逗行春硤深通仲夏河暖香涵

蕙苴時綠艷菱荷家在中洲上時聞鼓柁歌

歷覽鄞中地無如此境嘉鏡川涵日月即千丈鏡玉嶼發烟霞風伯

廟名浮玉鐘梵虛三寺松浦小江塔院三寺今俱廢絃歌近萬家東風昨夜雨

開徧十洲花

四明談助 卷五

平楚亭

在瑞光樓前今水中洲是也洲當水三合處北通桃源西接

它山東南流入郡城昔人建亭其上扁曰平楚觀瀾嘉靖志桃

源水河道雖通其脉不至此亭之對岸為櫟社內港水自建

輿諸山來外港水自它山來皆會于此

鳳山

已見上卷脉行不遠落在邊際亦錫山枝脚山後即小溪山

左距芝山里許

碧溪吳氏所稱碧溪即小溪

甬上族望表吏部侍郎秉信所居也一望後徙定海

吳庭產芝

吳進士升舉四子長子秉仁紹興十二年進士次子秉義政和八年進士三子秉智以貢法補內舍四子秉信宣和三年進士兄弟四人奉親居小溪克盡孝友紹興元年七月望堂後產玉芝三莖堂與山因皆以芝名志聞

吏部侍郎吳公秉信字信叟大觀三年進士升之第四子登宣和三年進士剛簡自信初爲國學官張魏公浚時以和國公奉母居潭州築第稍廣秦檜忌浚復出諷中丞万俟卨論浚卜宅僭擬家有五鳳樓命公奉使察其事至則以檜意告魏公返言浚所居皆人臣制堂曰盡心浚嘗記之樓實無有也檜大怒黜公後爲吏部侍郎忤內侍張去僞出知常州未幾卒公生平知人善薦士如王剛中入史館史浩爲國子博

四明談助

卷五

三

士後皆至宰輔皆公所薦也

志聞

小溪港

小溪古港在許家橋東之童家廂源通建輿沙淤已久

志聞鄞

地方言每稱江河之斷港曰漕地在水邊突出者曰隴地水環抱者曰斗族聚村落曰廂曰隘習俗相沿名稱悉仍其舊魏吉州曰許家橋東其地名童家港其北有古溝勢與港接今爲沙塞而汗瀝尚在耆老以爲古之小溪是也直逼建輿舊嘗開浚以引它山之水或謂可以再浚由吉州之言推之乃知周大悲礮之置蓋爲引它山之水西行以防湖後之水之不給故也

鮒埼亭集外編

魏泉使寓

甬上族望表泉使魏氏吉州人也自泉使峴來鄞一望

廬陵太守魏峴吉州人自為泉州使歸閒居小溪著它山水

利脩覽二卷聞志

安秘丞居別業在桓村

族望表安氏有為儀同者以南渡自汴來吏部劉為一望

安劉汴人居鄞之小溪以詩義冠多士淳祐甲辰進士制置

使陳瓘建廻沙聞屬魏泉使峴總其事新進士安君劉佐之

三歷秘丞郎官雖素為賈相容以科目自持不妄干進退寶慶

志工詩善清言著光溪寓集聞志

白嶠山人滅怪

小溪民家婢摘茄子園不得謂被人竊之罵焉樹上落茄磊

四明談助

卷五

至

磊聲云茄在此婢驚奔入內語故妖隨至其家隱梁上言已

還茄不必再言自此開門動戶東擊西焚無日無夜怪變百

出城中人往視之其家殺牲設飯衆解綺服成堆火忽自燒

不可撲也奉化白嶠山中一老叟聞而探之具麪與食老叟

脫衣忽掛屋脊使于屋後之田堆疊稻艸高與屋齊縱火取

屋上衣捲投烈焰其怪尋滅老叟不發一言而去嘉靖志

趙參政第

參政趙政居小溪名趙家衎與商文毅同會試時貢院火起

政救商于危厄負之而出及商入閣委所親即其祖居建第

以報之敬止錄趙政宣德十年舉人官郎中兄敏正統十年商

輅榜進士官國子監學正鄞獻表

梅溪灘

縣西南四十里宋徽宗崇寧間會稽陸寘通判明州居此灘
上志梅溪灘亦稱梅林灘或云陸氏放翁之後亦遷于鄞
甬上族望表陸氏楚公佃之後子寘一望自山陰來有知汀
州合為一望

陸判官寘

字元發其先會稽人尚書左丞佃之子也曾祖軫仁宗慶
歷中以工部郎中知明州叔傅徽宗建中靖國間以兵部
員外郎知明州大觀間復任從兄長民高宗紹興二年以
直秘閣知明州公先為明州錄事崇寧中奉行安濟居養
二院并漏澤園有勞秩滿就除通判後為淮南荆湖發運

四明談助

卷五

三

判官建炎間卜居鄞之梅溪奉祠垂三十年工詩善篆隸
手抄經史暨釋老書數百卷子洸官奉直大夫其後孫曾
繁盛遂著籍為鄞人世傳科第聞志

陸提刑洸

字子光大父尚書左丞贈太師佃父中散大夫贈少師寘
少師避建炎亂益東徙居鄞之橫溪公以蔭補歷知荆門
軍提舉江西常平提點江西刑獄誥授奉直大夫慶元元
年卒年七十二葬于豐樂鄉西舉從弟游銘其墓渭南文集佃
孫采元孫點燾熊哲甫俱嘉熙間進士佃五世孫遠寶祐
元年進士七世孫合淳祐元年進士點孫覺咸淳元年進
士選舉表遷城以後詳見月湖居第下

天王講寺

西南五十里小溪魚貫橋唐咸通十三年建號天王院宋大中祥符三年賜普寧寺額今名天王寺有鑑堂敬止錄慶歷七年鄴令王安石以浚渠嘗至其地乾寧間里人朱世則施大藏經建夕陽閣藏之聞志寺在大音菴之右非四明山志所稱鳳山古刹之天王寺

大音菴 在澗樓

在洞橋內樓枕大溪門臨魚貫橋支港明提學徐公別墅大音菴正廳已燬惟在澗樓尚存一名清音樓

徐太僕之垣字維翰號心章宋副提舉領明州茶鹽事硯之後登天啓五年進士授永豐令歷官江北巡按改提學僉事

四明談助

卷三

詳見月湖居第乙西南都遷太僕寺少卿南都亡後削髮為頭陀居碧溪蘭若中所謂在澗樓者也其結構彷彿常熟絳雲樓懸頭陀像于樓下自題曰早已覺來渾似夢譬如死去未曾埋亦可哀矣有在澗樓集續者舊傳

太僕再起出按江北即改江北學政聞志曹志與徐氏家乘同惟續耆舊傳有改湖廣提學及衣婦人衣逃難之說裔孫錫堯力辨其悞

小溪 亦稱光溪

宋樓攻媿小溪道中詩

簇簇蒼山映夕暉遙看野雁着行歸久之不動方知是一搭水雲寒不飛

後衍環邨儘溯游鳳山寺下換輕舟舟人努力雙篙急引得
清溪逆岸流

柴漁山

梓庭

游小溪詩

閏三月二十五日泛舟魚貫橋隔岸望在澗樓用放翁舟

中韻

三春風雨滯春愁天許清和得放舟未載一尊傾白墮聊斟
七椀試清流夕陽翻出松梢鼠暮藹催歸隴上牛待唱新詞
撥棹去幾多漁笛又淹留

大音菴送鹿亭侍御泛舟歸別業卽次歸舟原韻

子夜秋光兩地分歸舟纔動水泔泔游魚乘漲吞明月野犬
穿籬吠白雲茶蘼黃山香自啜詩成玉宇句先聞遙知十里

四明談助

卷五

三四

菰蒲夢仍與鳧鷖共一羣

梅林灘玩月用白香山小舫韻

爲乘薄醉耽餘興時向中流揭短篷好月直從深澗落孤舟
疑與碧天通寒光漸射林間露夜氣徐開水面風歸路不嫌
多寂寞兩三漁戶簇燈紅